

AWIG-AWIG

DESA PAKRAMAN RENON



KELURAHAN RENON

វិធានបទៗគ្នាសំដៅបទៗ ។

KECAMATAN DENPASAR SELATAN

ក្រុងបាឋាន
KOTA DENPASAR

ATUR SUKSMA.

Om Swastyastu,

Melarapan Antuk Manah Dreda Miwah Pamuji Ring Ida Sang Hyang Parama Wisesa, Titiang Saking Bendesa Desa Pakraman Renon, Matur Suksmaning Idep Angayu Bagia Mantuka Ring:

Ha. Bapak Keala Kelurahan Renon.

Na. Lembaga Adat Desa Pakraman Renon.

Ca. Prawartaka, Penyusunan Awig Awig Desa Pakraman Renon.

Duaning Gumanti Sakeng Pakayun Suci Nirmala Nyaratang Pisan Ledang Sareng Mikayunin Mamaosin, Utawi Presida Nyusun Miwah Nguwah-Nguwagin Daging Awigawig Desa Pakraman Renon Puniki, Sane Sampun Jagra Kekawitin Duk Rahina Budha Kliwon Wuku Mata;, Pinanggal 07 Pebruari 2007, Jantos Presida Puput Nemoning Rahina Coma Umanis Wuku Sungsang, Pinanggal 18 Juni 2007. Dumadak Ida Sang Hyang Widhi Wasa Asung Kerta Wara Nugraha Gumanti Awig – Awig Desa Pakramana Renon Puniki Karajegang Saha Ngertanin Desa Pakraman Miwah Sadagingnia.

Om, Santih, Santih, Om

Renon, 07 Pebruari 2007.

Bendesa Desa Pakraman Renon.

(I Made Sutama, BE)



ATUR SUKSMA.

Om Swastyastu

Melarapan antuk manah dread miwah pamuji ring ida sang hyang parama wisesa, titiang saking kelihan/bendesa desa pakraman renon, matur suksmaning idep angayu bagia mantuka ring:

Ha, Bapak Kepala Kelurahan Renon

Na. Staf, Lembaga Adat Desa Pakraman Renon.

Ca. Staf/Yanaka/Panitia Awig – awig Desa Pakraman Renon

Duaning gumanti sakeng pakuyun suci Nirmala nyaratang pisa ledang sareng mikayunin Mamaosin, utawi presida nyusun miwah nguwah-nguwahin daging awig-awig Desa Pakraman Renon puniki, sane sampun jagra kekawitin duk Rahina Budha Kliwon Wuku Matal, pinanggal 07 pebruari 2007, jantos presida puput nemoning Rahina.....
Dumadak Ida sang hyang widhi wasa asung kerta wara nugraha gumanti awig – awig Desa Pakraman Renon punika karajegang saha ngertanin Desa Pakraman miwah sadagingnia

Om, Santih, Santih, Santih, Om.

Renon, 07 Pebruari 2007

Kelihan/Bendesa Desa Pakraman Renon



PIDAGING
MAKA BANTANG AWIG AWIG DESA ADAT.

	Kaca
MURDHA CITA	V.
RATAMAS SARGAH : ARAN LAN WEWIDANGAN DESA.....	1.
DWITYAS SARGAH : PATITIS LAN PAMIKUKUH	2.
TRITYAS SARGAH : SUKERTA TATA PAKRAMAN	3.
Palet 1 Indik Krama	3.
Palet 2 Indik Prajuru . Dulu Desa	6.
Palet 3 Indik Pengayah Dados Keselediyi	11.
Palet 4 Indik Kulkul	15.
Palet 5 Indik Paruman.....	19.
Palet 6 Indik Druwen Desa	20.
Palet 7 Indik Sukerta Pamitegas	21.
Kaping 1 Karang tegal lan carik	21.
Kaping 2 Pepayoman	25.
Kaping 3 Wewangunan.....	25.
Kaping 4 Wewalungan.....	26.
Kaping 5 Penyanggran Banjar	28.
CATURTAS SARGAH : SUKERTA TATA AGAMA.....	29.
Palet 1 Indik Dewa Yadnya	29.
Palet 2 Indik Resi Yadnya	32.
Palet 3 Indik Pitra Yadnya	36.
Palet 4 Indik Manusa Yadnya.....	40.
Palet 5 Indik Bhuta Yadnya	42.
PANCAMA SARGAH : SUKERTA TATA PAWONGAN	45.
Palet 1 Indik Pawiwahan	45.
Palet 2 Indik Nyapihan	51.
Palet 3 Indik Sentana	53.
Palet 4 Indik Warisan.....	57.
SAT SARGAH : WICARA LAN PAMIDANDA.....	58.
Palet 1 Indik Wicara	58.
Palet 2 Indik Pamidanda	59.

Palet 3 Indik Rerampagan.....	60.
SATAMA SARGAH : NGUWAH – NGUWAH AWIG – AWIG.....	62.
ASTAMA SARGAH : SAMAPTA.....	64.



MURDHA CITA

Om Swastyastu, Om Awighnamastu Nama Sidam.

Melarapan saking panghyaning miwah siti bakti ring Ida Sang Hyang Widhi Wasa, sane ngwentenan kauripan sakala niskala ring buana agung miwah buana alit. Sang prasida ngambekang Tri Loka Sraya minakadi : Jaga Palemahan, Jagat Pakraman, Jagat Penyiwian, sane ngwentenan ala miwah ayu ring niskala rauhing sedagingnia, sami maka miwah katreptianing, tata Susila, tata krama, budi pekerti, asih kinasihan, segilik-seguluk, paras paros sarpanaya, salunglung sabayanatakan, wiakti patelekin patitis nyungkemin tatuaning Panca Srada Luir ipun : Mituuting, kawentenan Ida Sang Hyang Widhi, atma, karma phala, punarbawa, miwah moksa wiadin mukti.

Punika keanggen dasar mikukuhin miwah ngrajegang Agama Hindu kalih adate sane kaanut maduluran antuk parilaksana manut tatuaning Panca Yadnya Luir Ipun:

Ha. Dewa Yadnya.

Na. Pitra Yadnya.

Ca. Manusia Yadnya.

Ra. Resi Yadnya.

Da. Buta Yadnya.

Maka tetujon sareng sami, rauhing kajagaddhitan, miwah moksa, wiadin bukti mukti, titiang sareng sinamian, saking Krama Desa Pakraman Renon, gumanti teleb midabdabin ngaremin kalih nyungkemin, awig-awig sane keanggehang, ring Desa Pakraman Renon Pinaka sepat siku-siku pamutus, wastu prasida prayojanan mami kabeh prasama angidep miwah amanggehaken kadi lingling awig-awig puniki.

Om Santih, Santih, Santih, Om.

**PRATAMAS SARGAH
ARAN LAN WEWIDANGAN DESA**

PAWOS 1.

- (1). Desa Pakraman puniki mawasta Desa Pakraman Renon.
(2). Jebar kakuub wewidangan mawates nyatur Desa :

Ha. Sisi Wetan : Desa Pakraman Intaran.
Na. Sisi Kidul : Desa Pakraman Sidakarya.
Ca. Sisi Kulon : Desa Pakraman Panjer.
Ra. Sisi Lor : Desa Pakraman Tanjung Bungkak.

PAWOS 2.

Kakuub wewidangan dane manut dresta luire :

Ha. Papupulan karang paumahan sinanggeh palemahan Desa Pakraman.
Na. Setra,sawah miwah tegal ring kakuub wewidangan Desa sajabaning palemahan
Desa Pakraman sianggeh tlajakan Desa.

PAWOS 3.

- (1). Awig-awig parareman-parareman miwah pasuaran desane manggeh kajejerang ring kakuub wewidangan Desane sami.
(2). Awig-awig miwah pararem subak-subak ring tlajakan Desane, tan marem mengguh kaingilang.

PAWOS 4.

Desa puniki kawangun antuk karang Desa utawi gebogan krama, turmaning kepah dados 4 (papat) Banjar Pengempon lan 1 (siki) Banjar Penyungsung :

Ha. Banjar Suka Duka Pakraman Pnade.
Na. Banjar Suka Duka Pakraman Peken.
Ca. Banjar Suka Duka Pakraman Tengah
Ra. Banjar Suka Duka Pakraman Kelod.
Ka. Banjar Suka Duka Penyungsung Pakraman Kaja.

DWITYAS SARGAH
PATITIS LAN PAMIKUKUH
PAWOS 5

Desa Pakraman Renon ngemanggehang pamikukuh mikadi:

Ha. Pancasila

Na. Undang – Undang Dasar thn 1945

Ca. Tri Hita Karana manut tatuaning Buana Agung lan Tata cara Agama Hindu.


Ra. Perda Propinsi Bali nomer 3 (tiga) tahun 2001 Indik Desa Pakraman.

Ka. Seosan ring dasare, sami munggah ring ajeng awig-awig punika taler madasar antuk slih asih pasuka-dukaan, paras paros sarparnaya selulung sebayantaka.

PAWOS 6.

LUWIR PATITIS,DESA PAKRAMAN RENON.

- 1) Ngrajegan Agama Hindu malarapan antuk astiti bakti ring Ida Sang Hyang Widi Wasa.
- 2) Nincapang kaweruhan I krama Desa Pakraman kalih ngawediang boga, upaboga pariboga.
- 3) Nginggilang tata prawertine ma agama.
- 4) Ngrajegang kasukertan Desa saha pawongannya sakala lan niskala.
- 5) Dasar luih tetujon sami munggah ring paos kaping 5 lan pawos kaping 6 ring ajeng sidane malih kajalaran antuk utsaha Catur Purusa Arta minakadoi :
 - Dharma, Arta, Kama,Moksa.



TRITYAS SARGAH
SUKERTA TATA PEKRAMAN

PALET I.
INDIK KRAMA

PAWOS7.

- (1). Sane kabaos krama Desa inggih punika kluarga sane maagama Hindu saha ngemon karang Desa utawi wewidangan Desa Pakraman Renon, tur jenek madrue paumahan yadiastun ngontrak utawi numpang.
- (2). Krama Desa sane sinanggihan ring ajeng manut swadarma nyane keepah dados 3 (telung) paletang luire : krama ngarep / pengempon, krama penyungsung, lan krama tamiu.
- (3). Sajaba punika krama Desa inucap ring nomer 2 pawos 7 puniki swadarma manut ring Tri Hita Karana inggih punika :
Ha. Krama pengempon sane swadarmannyane jangkep ngalaksanayang pidabda parhyangan pawongan lan Pelemahan.
Na. Krama penyungsung sane swardamannyane jangkep nanging pepeson wantah dana punia, nglaksanayang parehyangan, pawongan lan palemahan.
- (4). Krama Tamiu, krama sane ma Agama lianan swardamannyane wantah nglaksanayang pawongan lan palemahan.

PAWOS 8

Krama Desa Pakraman Renon, sane swadarmannyane jangkep kepah pawilanganipun dados 3 (tigang) soroh minakadi :

- (1). Krama ngarep, kluarga sane wed utawi sapangrauh saking warga Desa Seosan saha ajeg pawiwahania madruwe paumahan sampun tedun makrama Banjar Pakraman, manut sargah I Pawos 4.
- (2). Krama tan ngarep luire :
Ha. Silih sinunggil kluarga tan ngarep ring Desa / Banjar naler Kantun mekrama sampun lepas ayahan ring Banjar

Na. Krama panyade inggih punika krama sane sampun lepas ayahan kagenosin antuk sentanania.

- (3). Krama patus kluarga sane sampun mayusa 60 warsa, turmaning nenten madrue sentana, sane pacang nyledihi, patut polih pangayoman ring desa Pakraman utawi ring banjar. Yadiapin krama inucap sampun kapensiunan / kebebasan ngayah manut awig-awig Banjar Pakraman, indik patus kamatian miwah, pangayoman tetep kapiolihan ring Desa Pakraman / Banjar Pakraman.

PAWOS 9

Krama balu inggih punika kluarga sang ngarep utawi tan ngarep, salah sinunggil lanang utawi istri lan nyapihan, krama balu inucap kabinayan dados kalih :

Ha, Balu makrambean, inggih punika balu sane madrue sentana dereng marabian.

Na. Bali glinting, inggih punika balu sane nenten madrue sentana.

KRAMA DESA PEKRAMAN

PAWOS 10

- (1). Sahananin sang jenek mapaumahan ring Desa Pakraman Renon, sinanggeh krama utawi warga Desa Pakraman Renon.
- (2). Krama Desa inucap, linggihnyane wenten 3 (tigang) soroh :
Ha. Kaluarga Pangempon utawi krama pengempon
Na. Krama Penyungsung utawi warga penyungsung
Ca. Krama tamiu utawi kluarga tamiu.
- (3). Yening wenten krama utawi kaluarga lian Desa numpang wiadin nyewa umah, mapawon ring wawengkon Desa Pakraman Renon masuenipun lingtangan ring 3 (tigang) sasih salanturipun patut krama utawi kaluarga lian punika, kauduh tedun makrama Desa.
- (4). Yening krama utawi kaluarga lian punika tan nganutin awig-awig Desa Pakraman Renon salanturipun patut krama utawi kaluarga lian punika kasisipang tur ninggalin wawengkon Desa taler kadenda manut parareman Desa miwah Banjar.
- (5). Yening sampun krama inucap, nganutin lingling awig-awig, patut ngemolihan pengayoman ring Desa Pakraman.
- (6). Sehananing wenten krama tamiu adat, sane sampun ngelapor utawi ngeranjing ring Banjar Pakraman, mangda Prajuru Banjar ngelapor / mesadok ring Desa Pakraman.

- (7). Sinalih tunggil, krama Desa / Banjar Pakraman sane nerima tamiu sakeng dura Desa sane tan ngelapor ring Bnajar / Desa Pakraman patut keni lingling awig-awig Banjar / Desa Pakraman.



PALET II

INDIK PRAJURU / DULU DESA

PAWOS 11

- (1). Krama Desa Pakraman ouniki kaenterang antuk :
- Ha. Kelian Desa / Bendesa Desa Pakraman pinaka Penua Desa Pakraman
 - Na. Petajuk pinaka Wakil Bendesa Pakraman
 - Ca. Penyarikan maka Juru Surat
 - Ra. Petengen pinaka, Juru Raksa pedruen Pakraman Desa.
- (2). Seosan ring Prajuru Desa inucap Kelian / Bendesa Desa Pakraman Renon naler kewantu antuk Lembaga Adat Desa Pakraman Renon, sane kepah wewilangan ipun dados 7 (pitung) pesayahan luire :
- Ha. Pesayahan Parhyangan sane ngetangang puri indik Parhyangan Desa Pakraman.
 - Na. Pesayahan Pawongan, sane ngetangang pari indik Warga Desa Pakraman.
 - Ca. Pesayahan Pelemahan, sane ngetangang pari indik Pelemahan lan Pelaba Desa Pakraman.
 - Ra. Pesayahan Usaha, sane ngetangan pari indik Usaha Desa miwah sekancan punika.
- (3). Prajuru Banjar Patur, inggih punika :
- Ha. Prajuru Banjar Patus pinaka Penua Banjar Pakraman
 - Na. Kelihan Lingkungan, ngetangan pari indik pemargin Kedinasan.
 - Ca. Kelihan usaha, ngetangan pari indik padruwenan lan usaha Banjar Pakraman.
 - Ra. Kelihan Ronda, ngenteran pari indik pamargin Kemanan Banjar Pakraman
 - Ka. Kelihan Gong (Kelihan Seni), ngetangang pari indik pemargin Seni Budaya ring Banjar Pakraman..
 - Da, Kesenoman, pinaka Juru Arah.

PAWOS 12

1. Prajuru krama Desa Pakraman . Banjar Pakraman sane munggah ring paos 11 punika, kapilih wiadin kawusan olih antuk pararem krama Desa / Banjar Pakraman.

2. Prajuru (kelihan Desa Pakraman) kapilih nyabran 5 (limang) warsa apisan sajawaning wenten perindik sane mabuat pisan tur dados kapilih malih.
3. Prajuru Banjar kepilih, nganuting lingling awig-waig Banjar Pekraman soang-soang.

PAWOS 13

- (1). Sane dados kapilih kaanggehang calon Prajuru (Bnedesa) ring Desa Pakraman Renon, mangda mamuat uger-uger minakadi :

Ha. Warga Desa / krama Desa Pakraman sane sampun ngemanggehang Petitis lan pamikukuh Agama Hindu.

Na. Warga / Krama Desa wed renon, sampun jangkep pawiwahan lan ngarep tur tetep jenek ring wewidangan Desa Pakraman Renon.

Ca. Sampun mayusa ngawit 40 (petangdasa) warsa jantos 60 (enemdasa) warsa.

Ka. Malaksana becik.

Da. Paukudan seger ring rohani taler ring jasmani (ring anggelan jiwatma / sarira, nenten kekeniang tindak pidana kriminal.


Ta. Kecalonan olih Desa / Banjar Pakraman.

Sa. Sanggup kecalonang naler ngayah ring Desa Pakraman Renon.

Wa. Pageh ring Panca Sila lan UUD 45.

La. Wikan ring Dresta, upakara, adat istiadat lan Budaya Bali.

Ma. Pendidikan senistan ipun SMP Lanang / Isteri.



TATA CARA PAMILIH

PAWOS 14

- (1). Bendesa patut nunas merarian 6 (enem) sasih sadurung penumaya, tur dados keanggehan pejabat Bendesa nyantos Bendesa sane kapilih keanggehan.
- (2). Pamilihan prajuru Desa Pakraman kalaksanayang antuk ngaryaning Panitia pemilihan. Panitia inucap kabentuk olih Bendesa Desa Pakraman (Lembaga Adat Desa Pakraman).
- (3). Ring soang-soang Banjar Pakraman kemedalang calon adiri, lanang / isteri.
- (4). Penitia nglaksanayang panureksa indik syarat calon sakeng Banjar suang-suang yan sampun manut ring uger-uger sekadi paos 13, katetepan dados calon Bendesa.
- (5). Pemilih inggih punika krama ngarep ring Banjar Pakraman, lan ngundihan 1 (siki) suara dados kawakilin ring suami / istri / pianakipun sane sampun mayusa 18 (pelekutus) warsa ring galah pemilihan.
- (6). Pemilihan kalaksanayang secara “Luber” (langsung, umum, bebas lan rahasia).
- (7). Bendesa Desa Pakraman sane sampun kepilih patut keupa ayu antuk upakara pawintenan, sane kesaksinin olih Pemangku Kayangan Tiga lan krama Desa Pakraman sinamian, lan manggala Adat lan manggala Praja.

SWADARMANING PRAJURU

PAWOS 15

Swadarman kelihan Desa, Desa Pakraman wantah nyanggra minakadi :

- Ha. Kelihan Desa / Bendesa mangda ngrajegang daging awig-awig Desa Pakraman puniki miwah pamutus, taler nglimbakan usaha Desa sane manut ring Perda Desa Pakraman Propinsi Bali nomer 3 (tiga) warsa 2003.
- Na. Kelihan Desa / Bendesa wenang ngamanggehang sisip pamidanda ring krama Desa Pakraman sane tan nginutin ring lingling, awig-awig Desa Pakraman puniki.
- Ca. Kelihan Desa / Bendesa wenang nibakang sakaluring perintah desa manut daging awig-awig Desa Pakraman puniki.
- Ra. Kelihan Desa / Bendesa wenang ngupeksain sakeluring Parhyangan Desa manawita wenten sane usak tur patut kebecikan.

- Ka. Kelihan Desa / Bendesa wenang maumang prajuru Desa, para panglingsir Desa, prajuru Banjar, miwah para pamangku sami buat jaga matetimbang ritatkala wenten karya adat, sane pacang kalaksanayang olih Desa Pakraman.
- Da. Kelihan Desa / Bendesa wenang setata adubng sareng ring sang angawarat ring sakaluirin bebaos miwah karya.
- Ta. Kelihan Desa / Bendesa wenang setata prayatna ring Desa, miwah tata cara mangda sampunang jantos wenten krama Desane sane mamurung.
- Sa. Kelihan Desa / Bendesa sareng ring pamangku nabdab sakaluirin aci miwah caru sane pacang katur ring Pura Kahyangan Tiga, kalih Bale Agung.
- Wa. Kelihan Desa / Bendesa wenang nyatur upeksha, rikala wenten sinalih tunggil krama Desa makarya suka miwah duka.
- La. Kelihan Desa / Bendesa wenang nuntun saha ngenterang warga Desa/Banjar ngupadi lan nginggilang Sang Hyang Agama, kasucian-kasucian kahyangan-kahyangan, kasucian pawongan, kasucian palemahan miwah tata cara manut Dresta.
- Ma. Kelihan Desa / Bendesa wenang nuntun saha nyaksinin, tata cara miwah sangaskaraning kuripane mebuat sane ngilitang sulur pakluangan.
- Ga. Kelihan Desa / Bendesa wenang ngwakilin desa utawi banjara matemuang baos ring sapa sira ugi.
- Ba. Kelihan Desa / Bendesa selama 5 (limang) warsa tur dados kapilih utawi keadegang malih manut tetimbang ring Desa Pakraman.
- Ja. Kelihan Desa / Bendesa Desa Pakraman dados keanggehan ngayah ring Desa, swadarmanyane kalih periode (duakali masa jabatan / bakti) manut ketimbang ring kerta Desa Pakraman.

Kelihan Desa / Bendesa Desa Pakraman kewusan antuk :

- (1). Lampus
- (2). Pinunas merarian antuk ngeraga
- (3). Swadarmanyane, sampun puput / buntas
- (4). Kewusan olih I Krama, duaning tansida melaksana manut lingling awig-awig

PAWOS 17

- (1). Tata cara ngelasanayang swadarma ring ajeng patut anut ring awig-awig, pararem, dresta, miwah pamutus ring Desa Pakraman.
- (2). Panglaksana ring ajeng patut kasiarang ring paruman desa utawi Banjar kapungkur ipun.
- (3). Kelihan Desa / Bendesa Desa Pakraman ngewerdiang panglaksana swadarmania suang-suang.

ULIH-ULIHAN PRAJURU DESA MIWAH UPASABA DESA SIOSAN

PAWOS 18

- (1). Prajuru Desa inggih punika, Bendesa, Petajuk, Penyarikan lan Petengen.
 - (2). Upasaba Desa inggih punika, Pamangku, Lembaga Adat, Pecalang
 - (3). Prajuru Desa an Upsaba Desa, kepicayang olih-olihan manut Perarem I Prajuru Desa Pakraman
- Ha. Prajuru Desa (Bendesa, Petajuk, Penyarikan lan Petengen) kawehan luput ring pamargin ayah-ayahan Banjar, ring pabanjarane tur agung alit pakaryan kataur antuk jinah ring Desa.
- Na. Prajuru Desa minakadi Petajuk, Penyarikan, lan Petengen, katur olih-olihan, rikala reraianan jagat (Galungan, Kuningan, Nyepi) manut Perarem I Prajuru.
- Ca. Taler indik ulih-ulihan puniki kamargiang ring I Pamangku Kahyangan Tiga miwah upasaba Desa minakadi Lembaga Adat manut prarem Desa.
- Ra. Bendesa lan Pamangku Kahyangan Tiga polih pica busana putih saparadeg, rikala Pengemasangan (Panyepian) manakadi : wastra, saput, baju lan destar.
- Da. Taler indik pica busana puniki kapica ring dane Pamangku Panglurahan, Pamangku, Penyarikan lan Kelihan Pamangku.

PALET III

PANGAYAH PUNIKA DADOS KESELEDIYI

PAWOS 19

- (1). Yening wenten sinalih tunggil I krama sane ngamargiang / dados petugas negara minakadi Pegawai Negeri Sipil, TNI, POLRI, Pegawai Swasta, dados keselediyi utawi manut pararem.
- (2). Yening wenten sinalih tunggil I krama Desa sane ngamargiang tugas-tugas negara, minakadi TNI, POLRI, Pegawai Negeri Sipil, Pegawai Swasta, antuk pinunasnyane ngeraga dados numbas ayah-ayahan sane patut katumbas manut parareman Desa.
- (3). Krama utawi kluarga penyungsong lan tamiu patut taler keni ayah-ayahan ring pawongan lan palemahan Desa, (gotong royong) sane patut, kabuatan ring Banjar / Desa Pakraman.

PAWOS 20

Paturunan utawi pesu-pesuan sakancan upakara, upakara praben wiadin palakaran sane munggah ring amongan desa pakraman patut kamedalin antuk warga Desa Pakraman kadi ring sor puniki :

Ha. Pangayah pangarep keni prabea sawungkul

Na. Pengayah balu, pantus muani, wiadin pantus luh keni prabea atenga.

Ca. Balu blinting manut prabeania keni prabea atenga.

Ra. Balu glinting tan maderbe punapi-punapi kabebasan ring ayah-ayahan, lan prebea.

Ka. Krama penyungsong lan krama tamiu sane ngamiletang pawongan lan palemahan patut ngamedalan dana punia meakeh nyane manut pararem.

PANGAYAH KALIH PATURUNAN

PAWOS 21

- (1). Sinalih tunggil I krama Desa Pakraman sane ngemanggehang Agama Hindu, yening smapun merabi 3 (tigang) sasih suenipun patut tedun ngayah, sane kawastanin pangayah.

- (2). Warga krama Desa / Banjar sane sampun marabi sakadi manggeh ring ajeng, yening madruwe pianak adiri tur sampun marabi, wiadin pianak luh sane sampun ngrajegan sentana, kalih sampun marabi, patut pianak punika ngamagehang panyledihin tur ngayah (reramanipun).
- (3). Warga krama Desa Pakraman, sane kantun marabi, yening madruwe pianak muani lintangan ring adiri, tur sampun pada marabi, sajawaning adiri patut tedun ngayah.
- (4). Krama balu sane madruwe oka smapun mayusa 18 (pelekutus) warsa sampun saha tedun ring sekeha yowana, patut tedun ngayah.
- (5). Warga lanang-lanang / isteri-isteri, sane sampun mayusa 18 (pelekutus) warsa, patut keni ayah-ayahan atenga.

INDIK PANGAYAH BEBALUAN

PAWOS 22

- (1). Balu ngempu, sane pianake kantun alit-alit patut keni ayah-ayahan, yening ba;u ;uh patut keni ayah pantus luh, yening balu muani patut keni ayah pantus muani.
- (2). Balu ngempu keni ayahan :
 - Ha. Balu muani sane madrue pianak patut keni ayah muani
 - Na. Balu luh sane madrue pianak luh patut keni ayah luh.
 - Ca. Balu luh wiadin muani, yening smapun madrue pianak dahan/truna keni ayahan sawangkul (ngayah ngarep)
- (3). Balu lanang wiadin isteri, sane madrue oka, sampun mayusa 18 (pelekutus) warsa sampun mekarya, kantun masekolah tur magenah ring siosan Desa, yadiapin smapun dahan / truna, patut kari keni ayah-ayahan pantus mati, ritatkala wenten krama sane seda / padem.

LELUPUTAN AYAH MIWAH PATURUNAN

PAWOS 23

- (1). Prajuru Desa minakadi Bendesa, Petajuh, Penyarikan, Petengen, Pemangku Kahyangan Tiga miwah sang madwijati, sane kantun dados krama Desa Pengarepan luput ayahan pingkalih pepeson-pepeson / paturunan, manut Pararem.
- (2). Luput ayahan Peturunan inucap katur ring sentana Penyelediyi sane kerangkum ring (Prajuru, Dwijati, Pemangku) inucap.
- (3). Warga Banjar sane ngayah ring Desa Pakraman sane negamrgiang Tugas sekadi Lembaga Adat, Pecalang, Pemangku, Kesinoman, Presanak sane ngarep, luput ayahan.
- (4). Jadma ubuh mem-bapa, sane kantun alit-alit, tan pakarangan, jadma ruyud, sakit ila, ayan, buduh, buta, rumpuh, putung miwah sakancan papa punika luput ayahan miwah paturunan.

WUSAN MAKRAMA DESA PAKRAMAN

PAWOS 24

Indik sane dados kausan makrama desa adat malarapan antuk :

Ha. Putung

Na. Magingsir genah minakadi transmigrasi miwah sane siosan sakancan punika.

Ca. Magingsir magenah saking wawengkon Desa.

Ra. Kawusan antuk pararem desa miwah Banjar

Ka. Wus makrama Banjar / Desa Pakraman antuk mapinunas nyane ngeraga

Da. Kenorayang duaning sampun tan presida ngesehen solah maprawerti, setata mamurug ring kecaping awig-awig.

I warga Desa Pakraman sane usan utawi kawusan makrama Desa punika, nenten polih pahan padruen Desa Pakraman. I warga punika kengin kadadosang malih makrama Desa Pakraman manut perareman Desa miwah Banjar.

PAWOS 25

- (1). Krama Desa sane magingsir ngalaksanayang tugas negara lan pemerintah utawi ngrereh pangupa jiwa nenten wusan makrama, ngamolihan luput ayah, nanging tetep keni paturunan
- (2). Krama Desa sane magingsir manut paos 24 Ha lan Na, nenten keni ayahan lan paturunan, nanging krama inucap yan mawali ke Desa tur tedun makrama keni penanjung batu / pepeson manut perarem.
- (3). Warga Desa sane kantun anom yang megingsir genah kedura Desa, patut wenten pesadok ring Prajuru Banjar utawi Prajuru Desa Pakraman.

PALET IV

CIRI-CIRI PASUARAN KULKUL

PAWOS 26

- (1). Kulkul Desa miwah Banjar tan wenang katepak, yan tan manut ring daging awig-awig puniki.
- (2). Tabuh tetepakan kulkul pastika, masios-siosan manut tetujonnya luire :
 - Ha. Tengeran upkara yadnya Desa utawi Banjar ngempang sakadi sane lumbrah.
 - Na. Tung ----- Tung, Tung, Tung, ----- Tung, Tung, Tung, Tung, Tung, Tung, Tung, --- Tung, Tung, Tung ----- Tung.
 - Ca. Tengeran sinalih unggil warga Banjar / Desa Pakraman padem / seda, pasuaran kulkul ageng nungkak, kadi lumbrah.
 - Ra. Tengeran wenten umah puun, bulus 1 (tulud) nglantur (tung, tung, tung, tung, tung).
 - Ka. Tengeran wenten anak kamalingan bulus 1 (satu) tuludan cutet (tung, tung, tung).
 - Da. Tengeran wenten anak ngamuk, kabaak, bulus 2 (kalih) tuludan (tung, tung, tung, tung, tung-tung, tung-tung).
 - Ta. Tengeran wenten I duracara miwah amuk, bulus 3 (tigang) tuludan (tung-tung-tung, tung-tung-tung, tung-tung-tung).
 - Sa. Tengeran ngwaliang sane mapitulung, pasuaran kulkul banban kaping 3 (tiga) tung – tung – tung.

- (3). Rikala Pengerupukan, Kukul Desane ketepak atuludan lumbrah, antuk penugrahan I Prajuru Desa Pakraman.

Ha. Pengawit nyuarayang kukul risampune Ida Bethara mesimpen saha wus upkara Tawur Agung Pengerupukan ring Pura Bale Agung pemuput jantos galah jam 11.00 (solas) wengi.

Na. Tepakan kukul Desane ngempang atuludan ngelantur ceciren kemargiang pengerupukan.

Ca. Warga Desa sane tan nginutin panugrahan / tetiwakan ring I Prajuru Desa, kabawos tiwal ring daging lingling awig-awig petut keni pamidanda manut perarem.

- (4). Kukul Desane sane tan wenang katepak sajawaning sangkaning wantah wenten tetengeram, kadi pawos ring ajeng, patut katiwakang ring wong desane sami, upami yadnya Desa, paruman / pakaryan wong Desa sanggrahan miwah bayapati.

PAWOS 27

Ha. Kukul Desane miwah Banjare tan wenang katepak, yen tan sangkaning kabebasan utawi pituduh kelihan Banjar / Desa Pakraman suang-suang manut dudonan, sajawaning rikala pacing ngwentenang tengeran nanging kadi munggah pawos ring ajeng.

Na. Sang nepak, tan sangkaning pituduh, patut digelis atur upeksa ring Kelihan Banjar, utawi ring I Prajuru Desane, makabuatan penepake kadi ring ajeng.

PAWOS 28

Sahananing kukul banjar ring wewidangan Desa Pakraman Renon, patut nyarengin katepak, pradene wenten sinalih tunggil kukul Banjar / Desa Pakraman nyinahang wenten amuk lan bayapati.

PAWOS 29

- (1). Pasuaran kukul tengeran pakaryan, patut katedunin antuk ayahan manut ring daging dedaunan utawi siaran.

- (2). Pasuaran kulkul tengeran baya (pawos 26) patut katedunin antuk sahananing ayah-ayahan saha gegawan pamitulung manut rupa bayane.
- (3). Suaran kulkul sekaha-sekaha, tempekan-tempekan, sakaluring ring Desa Pakraman Renon, tan wenang matehin suaran kulkul Desa miwah Banjar.

DUSTA MIWAH BAYA

PAWOS 30

- (1). Sahananing warga Desa prade amuk ring kawentenan jadma malaksana dusta, patut digelis utawi pramangkin atur uninge ring I prajuru Desa / Banjar.
- (2). Laksana sane sinanggeh dusta kecaping ajeng luih bacakanipun :
 - Ha. Jiwa baya
 - Na. Arta baya
 - Ca. Geno baya
 - Ra. Toya baya
 - Ka. Karipu baya
 - Da. Melegandang, Memitra Ngalang
 - Ta. Dura Cara ring agama
- (3). Bilih mamuat kawentenan ipun, sang inucap patut digelis nyuarayang kulkul Banjar / Desa anut ring rupan panglaksanaan dustane (naler patut mesadok ring I Prajuru).

PAWOS 31

- (1). Sahananing warga Desa prade uning kawentenan baya utawi panangkan bayan patut pramangkin atur uninge ring prajuru.
- (2). Bilih mamuat kawentenan ipun, warga sane uning utawi warga sane ngacundukin, patut digelis masadok ring Prajuru tur nyuarayang kulkul Banjar / Desa.
- (3). Baya utawi panangkan baya, kadi munggah ring ajeng, umpamanipun umah puun, ngamuk, blabar, miwah nganutin sapta baya.

PAWOS 32

- (1). Warga Desa sane kaicalan / kamalingan patut malapor/masadok ring Prajuru Banjar / Desa sapunapi sane katibakan, ring Prajuru inucap. Prade wenten sane patut pacing

kamargiang maseserep, patut nunas kabebasan miwah panuntun ring Prajuru Banjar / Desa, muah sang angawa rat.

- (2). Prade katiben maseserep tur paseserepe yen nglangkungin ring Banjar sioan, patut nunas kabebasan utawi wak-wakan ring kelihan Banjar sioasan irika, muah katur ring sang angawa rat / kepolisian.
- (3). Kelihan Bnajar utawi Prajuru Desa inucap ngicenin panuntun mangda tata cara maseserep punika manut kadi dresta.

PAWOS 33

- (1). SAHANAN WARGA Desane prade wenten polih ngacundukin wiadin nuduk jiwa berana sakaluring, patut masadok miwah matur uninge ring Kelihan Banjar, lan sang wewenang.
- (2). Kelihan inucap mangdaning nyiarang indik ngacundukan arta berana punika, tur sinalih warga sane madruwe kaicalan beranane punika, sida ngewantun ngamulihang beranannyane. Sang mariangkenin, patut nyidayang nerangan wiadin nyinahang, mungguing beranane punika wantah padruwennyane.
- (3). Prade wenten 3 (tigang) sasih, yen tan wenten anak / jadma ngelingin wenang arta berana, jiwa lan berana, punika mangda kesukserahang ring sang rumawos (sang ngawewenang / Kepolisian) antuk tetimbang ring I Prajuru Desa.
- (4). Yening kalaning warga Desa, ngecundukin jiwa berana, sane nenten wenten anak ngangkenin patut mesadok ring I Prajuru tur mangda kelanturang ring sang ngawewenang, gumanti presida ketanganin manut aturan ring Kepolisian.

PALET V
PEPARUMAN

PAWOS 34

Peparuman ring Desa Pakraman Renon, wenten wilangannyane dados 3 (tigang) soroh luih ipun :

Ha. Peparuman krama Desa Pakraman Renon patut kelaksanayang awarsa apisan, sane kawastanin Paruman agung / Pesamuan Agung.

Na. Peparuman krama Banjar asasih apisan, sane lumbrah kawastanin pasangkepan Banjar Penge[pudan.

Ca. Peparuman prajuru Desa / Banjar kewanantenan manut kabuatan ipun.

PAWOS 35

- (1). Peparuman kengin kalanturan / kamargiang yening smapun karahuhan antuk krama lintangan ring atenga.
- (2). Sapasira ugi I krama cedok ring sinalih tungguh peparuman 3 (tigang) soroh punika, kadanda agung alit ipun manut parareman.

PAWOS 36

Sang nyedahin peparuman, kengin luput ring pamidanda kadi ring sor puniki :

Ha. Kapiambeng sungkan

Na. Kapiambeng matepetin anak sungkan

Ca. Kapiambeng pamalian / sakit bangkiang

Ra. Kapiambeng karep suka-duka

Ka. Kampiambeng mamakuh wiadin ngeraabin umah

Da. Kaluwasan, nanging sesampune rawuh ring keluwasan patut masadok ring Prajuru Desa / Banjar

PAWOS 37

- (1). Kaputusan perarem kabaos sinanggeh pastika, yening smapun kacumponin antuk sinareng sami sane rawuh, majalaran panyungkem perarem.
- (2). Kaputusan-kaputusan perarem kabaos sinanggeh pastika, tur manggeh dados awig-awig / pasuara yening smapun kacumponin olih lintangan ring atenga saking gebogan krama Desa / Banjar.

PAWOS 38

Nyabran wusan patoyan ring Pahryangan Desa, patut Prajuru Desa Pakraman ngwentenang pasadok (pertanggungjawaban) ring paruman krama Desa Pakraman, sane kelanturan ring Paruman Banjar Adat.

PALET VI

DRUWEN PURA / LABA PURA

PAWOS 39

- (1). Tanah Tegal, sawah druwen Pura amongan Desa Pakraman Renon, kewastanin Pelaba Pura.
- (2). Sekancan Pedruwen Pura Tegal miwah Sawah patut wenten ilakitan ipun merupa sertipikat (Surat kepemilikan Tanah).
- (3). Sekancan Pedruwen Pura punika keetangan olih Prajuru manut padruwen Desa Pakraman Desa Pakraman Renon.
- (4). Pikolih-pikolih Tanah, Sawah Pelaba inucap patut keanggen mecikang, memiara kalih ngupakara amongan Desa Pakraman manut Perarem.
- (5). Pelaba Pura punika tan kengin keadol miwah kegadeang, antuk sapisira ugi sejawaning saking Pekayun I Krama Desa Pakraman manut Perarem.

PAWOS 40

Sakancan druwen pura punika kaetangan antuk Prajuru manut pararem krama Desa Pakraman Miwah paruman Lembaga Adat Desa Pakraman Renon.

PALET VII
PASUKERTAN DESA

Kaping 1
KARANG TEGAL LAN CARIK

PAWOS 41

- (1). Sahananing karang paumahan patut kawentenana :
Ha. Pastika wenten wates ipun.
Na. Mapamedal ke rurung utawi ka margine (tan wenten kakembeng) wiadin buntu.
- (2). Kelihan Desa / Bendesa patut ngusahayang mangda sami karang-karang sekadi ring ajeng punika, asapunika kawentenanya.
- (3). Sahananing warga krama Desa, patut mastikayang wates karang paumahannya suang-suang jantos sida nyatur genah, mapainget antuk patok KPT (Undang-Undang Pertanahan).
- (4). Wates karang sane majepitan patut kategen olih kramane sane maluanan ka wates inucap manut dresta.
- (5). Taru miwah olih-olihan sane mauripmiwah sakancan punika, ring wates kadi ring ajeng, kadruwe olih krama sane negen inucap.
- (6). Satunggil pakarangan patut makarya tong sampah jagi genah luu-luu.
- (7). Satunggil pakarangan patut makarya pakebat jempeng (sepiteng).

PAWOS 42

- (1). Sinalih tunggil krama Desa sane madrie pakarangan, sane wenten tlajakane mangda tlajakan punika kapiara.
- (2). Sang sapa sira ugi makarya ring wates sane ngawinang rusak wiadin mocolang anak siosan kasisipan tur kadanda manut parareman tur sang makadi punika matutang malih wates punika sakadi jati mula.
Ha. Sakaluring tanem tuuh, tetaneman sakaluring miwah tat ngangge karang tan wenang nawonin miwah ngawenang pocol utawi ngletehin karang penyandingnya.
Na. Prade wenten asapunika kasepat gantungan utawi katiwakan padanda seosan.

Ca. Tanem tuuh miwah tetataran sane mabaya ring penyandingnya, kasepat gantungin wenang adepa agung ngajeroning saking wates.

PAWOS 43

Saluiring pamula-mulaan, tan dados ngungkulin wiadin mayanin (nyengkalen) paumahan siosan tur ring ngawit mamula mangda madoh adepa agung saking wates.

Ha. Saluiring nandur tanem tuuh ring karang paumahan, patut masadok ring I prajuru Banjar / Desa Pakraman.

Na. Tanem tuuh sane kalintang mayanin panyanding, patut kawarah miwah kaebah antuk sang madruwe, patut kewatesin awuku (pitung) rahina.

Ca. Yening sampun lintang ring awuku punika during taler kaebah, sang madrue patut kapidanda manut pararem Prajuru Desa.

Ra. Sajawaning pamula-mulaan sane sampun wenten dumunang ring pakarangan / umah punika yening kawastanin antuk I Prajuru Banjar / Desa Pakraman pacing mayanin tur patut kapunggul wiadin kaebah, dados kaebah saha ganti rugi punika manut parareman.

PAWOS 44

(1). Sadurunge lintang pawanengan manut paos inucap, prade pamula-mulaan punika bah tur mayanin, yening sampun kapingetin sakeng sane karubuhan punika patutipun keni danda manut parareman prajuru Desa.

(2). Pamula-mulaan sane bah tur mayanin punika kabuktiang antuk sang keni-baya.

PAWOS 45

(1). Yening sang madruwe pamula-mulaan sesampune telas pawanengan nenten mresidayang munggul wiadin ngebah pamula-mulaan punika patut kapunggul wiadin kaebah antuk sang merasa jekeh jaga kabayanin.

(2). Pamula-mulaan sane kaebah wiadin empak tur mayanin wewangunan padruwen anak sios, sang madrue pamula-mulaan punika patut negen wewangunan miwah upakara pamrascitaan pakarangan, yening sang keni baya sadurunge sampun masadok ring I prajuru Banjar / Desa Pakraman.

PAWOS 46

- (1). Yening wenten pamula-mulaan ebah wiadin empak malarapan yen saking tan ganjih, manut pawos ring ajeng, sang madruwe pamula-mulaan punika luput saking kaiwangan. Pamula-mulaan sane bah punika sane kabuktiang antuk sang sane kasengkalen.

PAWOS 47

- (1). Rikala munggul wiadin ngebah pamula – pamula raris mayanin wewangunan anak lian, sang munggul widain ngebah punika patut negen prabean karusakan miwah prabean upakara pamrascitaan.
- (2). Yening wenten kekayonan kasewatak nyengkalen wenang kasadokang ring I Prajuru tur I Prajuru patut nyaksinin kewentenanipun, yening yuakti kasewatak nyengkalen I Prajuru mrintahang ring sang mederbe kekayonan mangda ngebah kekayonan punika. yening sang madruwe kekayonan punika tan tinut ring perintah I Prajuru wastu raris kekayonan punika rubuh tur nyengkalen, sang madruwe kekayonan punika wenang negen sahananing karusakan miwah upakara sane kaanggen aci mabaya.
- (3). Yening sang makarya wates punika, raris tan nganutin ring wewengkonin pakarangan paumahanipun, mangda sang makarya punika ngwentenan sadok ring I prajuru banjar/desatur ring sang madure tanah pakarangan sane sareng ngwatesin, mangda wenten pasubaya sane kasaksinin antuk I prajuru.
- (4). Yening sang makrya wates punika, raris tan nganutin ring paos ring ajeng punika, dipradene wenten raris perebatan wates, mangda masadok ring I prajuru desa tur kalanturan ring Kantor Badan Pertanahan Negara (Agraria), taler prebeanipun katanggung olih madruwe pakarangan/paumahan.
- (5). Yening wenten I warga krama Desa sane ngeed wiadin mangbang ring wewengkoning pakarangan ipun, manda I krama punika makarya panyeleng 1 (siki) meter ring wates pisagane.
- (6). Yening I krama punika tan nginutin daging paos ring ajeng dipradene wenten nyengkalen wiadin embed, sang madrue bangbang punika patut negen prabea naggen mecikang sane kasengkalen.

TAN KUASA.

PAWOS 48.

- (1). Ngungkulin capcapan pawangunan inucap I lauiripun nglitang wates.
- (2). Tan Kuasa nganggen wates anak siosan.
- (3). Tan kuasa ngembahang toya sakeng pakarangan utawi sahananing sane ngawetuang ambu kaon ka pakarangan anak lian, sajaba wenten pasubaya siosan.
- (4). Tan kuasa ngentungan/ngutang luu – luu ka pakarangan anak lian, miwah ka margine.
- (5). Tan kuasa nglumbar wewalungan luihipun, kebo, misa, banteng, kuda, kambing, biri – biri, bawi ring pakarangan umah miwah ring sawah tegalan ring margine miwah ring serta.
- (6). Sapa sira ugi sane piwal ring pawos ring ajeng punika :
 1. Sang piwal kadanda manut pararem.
 2. Sang piwal ngentosin prabean karusakan sane keetang olih I Prajuru Banjar/Desa Pakraman tur tan dados katulak.

Kaping 2.

PEPAYOMAN.

PAWOS 49.

- (1). Ngawit nandur pepayonan tanem tuwuh patut agung ngejeroang saking wates, prade jantos ngeliwat wates wenang kesepat gantungan.
- (2). Yening wenten pepayonan ngungkulin, semaliha mewastu mayanin kepisaga patut kewarah antuk paiguman ping ajeng presida sang nruwenang wit ngerebah utawi notor.
- (3). Prade sampun kewarah taler tan wenten usaha sang nruwenang wit sang rumasa ketahan/ kejerihan wenang mesadok ring prajuru, tur risampun keparitatas kelugra ngicalang wit inucap.
- (4). Sang keni pamidanda penyangaskara saha prebeya manut perarem marep ring wewangunan sang kerubuhan luwire :

Ha. Sang nruwenang wit sinanggeh mayanin, prade pungkak ngerubuhin wewangunan krama tios.

Na. Sang notor, munggul utawi ngerebah taru tur ngerubuhin wewangunan krama tios.

- (5). Krama Desa patut ngemanggehang kawerdian tanem tuwuh sane ngawinang Desane asri tur lestari.

Kaping 3

WEWANGUNAN

PAWOS 50

Sane sinanggeh wewangunan Desa utawi Banjar inggih punika :

- (1). Wewangunan ring Kahyangan Tiga :

Ha. Pelinggih-pelinggih ring Pura Kahyangan Tiga

Na. Bale Piasan

Ca. Puwaregan suci

Ra. Bale Kulkul, miwah sane sios-siosan manut kabuatanipun

- (2). Wewangunan pakraman :

Ha. Wantilan / Bale Banjar sategepipun

Na. Beji Pasiraman

Ca. Margi-margi / pategalan druwen Desa

Ra. Miwah midadabin setra lan druwen Desa

PAWOS 51

Kewajiban / gegaduhan krama Desa Pakraman inggih punika :

Ha. Ngardi wewangunan sane kabuatan

Na. Miara wewangunan-wewangunan sapatutipun

Ca. Ngangge (ngunayang) manut pituduh I prajuru

Kaping 4

WEWALUNGAN

PAWOS 52

- (1). Sapa sira ugi krama/warga Desane sane miara sakaluring wewalungan, patut sayaga negul / ngandengin, mangda ubuh-ubuhannya tan wenten ngricakin kacang miwah abian

anak siosan, tur mangda sampunang jantos ngranjing / ngletehin parhyangan-parhyangan Desa.

- (2). Prade wenten wewalungan sane ngeleb saha ngranjing kepakarangan sioasan sang madruwe pekarangan punika patut mlungguhang ring sang madruwe wewalungan. Bilih yen wenten ngawinang karuskaan kadulurin antuk nunasang baos ring I kelihan Banjar / Desa Pakraman, mangda katiwakang pamindanda agung alit pawilangannya manut awig-awig Desa / Banjar.
- (3). Bilih ring asasih jantos ping 3 (tiga) sampun mlungguhang, wewalungan punika wenang kataban, panabane punika kauningan ring prajuru miwah Kelihan Banjar.
- (4). Bilih ring asasih jantos ping 3 (tiga) mataban kadi ring ajeng, wewalungan wenang kaambil tan tebusan.

PAWOS 53

- (1). Prade wenten wewalungan sane ngelab tur ngranjing ka pura miwah ka parhyangan-parhyangan Desa, sang madruwe wewalungan punika patut kasisipan antuk danda, prebeaning upakara pamarisuda sapatutne.
- (2). Tata cara nglungguhang naban miwah nebas patut kadi munggah ring ajeng.

PAWOS 54

- (1). Wewalungan sane ngeleb mjiwah malumbar, sane katutburi pramangkin, pradane tan katutburi, kadanda manut parareman tur agung alit pawilangane, kepah dados :
 1. Asiki sang naban
 2. Asiki prajuru Banjar / Desa
 3. Asiki Banjar / Desa Pakraman

PAWOS 55

Yen prade wenten wewaluingan sane ngricakin paabian miwah pamula-mulaan anak siosan, sang madruwe wewalungan punika wenang naur papocolan paiban miwah pamula-mulaan sane kaetang manut agung alit, olih I Prajuru Banjar / Desa tan dados katiwalin.

PAWOS 56

- (1). Sapa sira ugi olih naban wewalungan patut digelis masadok ring I Prajuru Banjar tur wewalungan punika kapiara sapatutipun.
- (2). Agung alit prabea mamiara wewalungan punika kaetang antuk I Prajuru Bnair / Desa tur katur olih sang madrua wewalungan.
- (3). Pantangan punika tan dados katulak.

PAWOS 57

- (1). Wewalungan sane nenten kaangken jantor 3 (tigang) rahina mangda katur ring Banjar / Bendesa .
- (2). Yening Wewalungan punika padem saking tan kakardinin, sang nabanpunika tan dados ngarsang prabea pamiara .
- (3). Sang madruwe wewalungan punika tan dados ngarsayang pangentos pangarga wewalungan sane padem .

Kaping 5.

PENYANGGRAN BANJAR

PAWOS 58

- (1). Pekaryan druwen sinalih tunggil krama sane mebuat tat penyanggrannya kasukserah ring banjar soang -soang.
- (2). Banjar Wenang ngardi awig-awig ngemanggehang tata carane nyanggra pekaryan kramane munggah ring ajeng.
- (3). Penyanggrane patut medarsa antuk arsa parame -tulung ring sang mekarya ,nanging tan nareng miteketing krama ring Banjar Miwah Desa.
- (4). Bilih Karyane dahat, bobot, Banjare wenang ngeruruh penampih ring Banjar seosan.
- (5). Pekaryan sane patut kasukserah ring penyanggran Banjare luwire :
 - Ha. Ngupakara sawa jantos pengabenan yadiastu tan pesawa.
 - Na. sehana yadnya seosan.
 - Ca. Pekaryan seosan manut awig-awig Banjar, upami ngisidang sekeluwir
 - Bebangunan / Bale, jineng lan sekancan punika.

PAWOS 59.

- (1). Awig-awig Banjar ring ajeng ,tan kengin kelaksanayang sedurung keciren antuk Bendesa Adat
- (2). Daging awig-awig inucap patut tan maren ngadungan munggwing wibuh kincit pekaryane ring agung Alit Penyembrahmane ring Banjar .

**CATURTAS SARGAH
SUKERTA TATA AGAMA**

**PALET 1.
INDIK DEWA YADNYA**

PAWOS 60.

- (1). Kahyangan -Kahyangan sane wenten ring wewidangan Desa Pakraman Renon Kewenten ipun luire:
Ha. Penyiwian Desa (Kahyangan Tiga)
Na. Penyiwian Pemaksan seosan.
- (2). Rahina Piodalan ring Pura sinanggeh penyiwian Desa luire:
Ha.Pura Puseh Desa Pakraman Renon , nemoning rahina Redite Paing Wuku Langkir (Pahing Kuningan).
Na. Pura Desa Pakraman Renon, nemoning Buda Kliwon wuku Ugu.
Ca. Pura Dalem Nataran/ Dalem Lumajang nemoning rahina Caniscara Kliwon wuku Kuningan.
Ra. Pura Kahyangan Desa Pakraman Renon nemoning rahina Caniscara Wuku wayang.
Ka. Pura Bale Agung,Desa Pakraman Renon nemoning rahina Buda Kliwon Wuku Ugu,nyurud nyarengan ring Pura Desa Pakraman Renon.
- (3). Prajuru patut mastikayang indik piodalan miwah aci-aci kahyangan Desane, agung alit naler miwah tata pelaksanane.
- (4). Wewentanan aci pujawali padetengan ring pura Tiga.

PAWOS 61.

Sane Kemanggehang Kahyangan Tiga Desa Pakraman inggih punika :

1. Pura Puseh (Pura Bale-Bale Agung).
2. Pura Desa.
3. Pura Dalem (Pura Kahyangan ,Pura Merajapati lan Pengulun Setra).

PAWOS 62.

Kahyangan sane Mungguh Pawos ring Ajeng, sami prabean miwah pamiara kasungkemin/ kemedalin antuk krama Desa Pakraman.

PAWOS 63.

Malih yen wenten warga nedungan pangadegang pralingga ,muwah arca, saluiring pula-palin widi,tan manggeh munggal ring gedong kahyangan Tiga, yen tan saking tuduh I Pemangku Miwah I Prajuru Desa, wenang I warga punika kadandan,tur presida ngaturang caru Dumanggala ,Pengulapan, sesepuh Prayascita, santukan lancamng jadmane punika angukuhin serenggi.

PAWOS 64.

- (1). Prajuru Patut ngeterang krama Desane ngemanggehang kasucian kahyangan Desane manut Dewa Tatwa.
- (2). Bacakan letuh cuntaka ,sane tan dados mgranjing ring kahyangan Desa manut Dewa Tatwa Luiripun:
Ha. Jadma Luh, sebel kandel sekaluire upami (ngaja swala ,madruwe oka, karuron)
Manut sengeker
Na. Jadma cuntaka sangkaning madruwe kapademang (kelayu sekar).
Ca. Sahanan Jadma patita (wang beling kesanggaman tan sinaskara, wang mamitra ngalang, wang sakit ila,jadma buduh ,jadma cuntaka siosan)sadurunge kalukat kaprayascita manut agama.
Ra. Sato ageng ngawit bawi ngagengan, tan dados keranjingan ring pura sajawaning mapapada.
Ka. Sahanan barang-barang sane sinanggeh letuh (leteh) manut agama (tulang,getih, bok,

sakaluwiring wiwiiian watang, layudan piara yadnya miwah sane lian-lianan.
Da. Miwah sahanan cendala siosan.

PAWOS 65.

- (1). Sejeroning penyengker pura kapatutang nyungkemin indik tatwa dewa agama luiripun tan dados mabacin, mawarih ,mecikang wastra, ngambahnag rambut, mabaos kasar, mayuda, masanggama, menyoyoin anak alit, mangrusak padruwean widi ring palinggih, yening tan polih kebebasan saking I pemangku / Prajuru Desa Pakraman, dados ngranjing ka Pura.
- (2). Tataning mabusana ngranjing ka pura patut ngemanggehang daging kaputusan parisadha Hindu Dharma.

PAWOS 66.

Sang sane mamurug inucap ring pawos ring ajeng, kasisipang tur kadanda manut parareman, kalih upakara sane patute

PAWOS 67.

Indik Aci-aci :

Prajuru patut mastikayang indik piodalan miwah aci-aci Kahyangan desane agung alit miwah tata pelaksanan ipun.

PAWOS 68.

Yen Wenten jadma mamaling ring pura utawi padruen pura wenang maling ika ngaturang pamrayascita ring pura ika, salanturipun kauningan ring sang wenang (kepolisian)

PAWOS 69.

Yen wenten jadma ngembosan rare ring pura wenang jadma ika ngaturang pamrayascita ring pura ika, saha kadandan manut lingling awig-awig Desa Pakraman.

PALET 2.
INDIK RESI YADNYA
(KAWIKON/ GURU LOKA)

PAWOS 70.

- (1). Sang Pacang mepudgala/ medwijati , sejawaning nunas panugraha ring sang rumawos (parisada utawi pemerintah) taler mesadok ring kelihan Banjar miwah Bendesa Adat Desa Pakraman .
- (2). Prajuru-prajuru Desa inucap patut sareng nureka nitenin, mangda sulur kalih pemargine jati-jati manut ring kecaping Agama,sane patut katureka pinih ajeng keceda angga miwah kesucian sang pacing medwijati punika.
- (3). Prade wenten sinanggeh kantun kamer,prajuru inucap patut atur uning ring sang rumawos,mangda panugraha sang rumawos sidha jati-jati manut ring kekecap agama.
- (4). Prajuru Desane inucap taler patut sareng nyaksinin pemargin upkarane.
- (5). Sapupute, prajuru Desane patut digelis ngutsahayang mangda parab sang diniksan ring sehanan ilikita kegentos antuk biseka kawikon manut panugrahan nabennya, saha nyiarang ring paruman Banjar miwah paruman Desa.
- (6). Upakara ngelinggihang pujane kapungkur taler patut kesaksinin, saha kasiarng sepatutnya ring paruman Banjar miwah Desa.
- (7). Prajuru-prajuru Desane patut sareng nyaksinin upakara sang mewinten, sepatute patut digelis kesiarang ring paruman Banjar miwah Desa, tegap rauhing wates kewenangan pengante Yadnya sane dados kemargiang manut panugrahan Sang Guru/Drestannya soang-saong.

PAWOS 73

- (1). Krama Desane sami patut sareng ngawas nitenin ketuntun olih Prajurune, mangda sehanan Yadnya sane kewentana n kaicen pemuput olih Pandit utawi sang Sajana (Pemangku sakeluwire) manut dudonan kadi kewenangannya soang-soang manut Dresta.
- (2). Prade wenten ngelempasin, bilih-bilih sane pastika nyumuka, Prajurune wenang ngalangin utawi ngurungang Yadnya inucap,(tetep kelaksanayang, Yadnya saha phala-wasanannya sane kelaksanayang sinanggeh tan syah).

- (3). Sang ngelempasin utawi dustane patut ketiwakin pamidanda olih prajuru Agung Alit manut perareman.
- (4). Prade sang ketiwakin tan ninut ring pemutus prajura, wenang nunas bawos ring sang rumawos (Prasida/Pemerintah), sane patut ngicenin pemutus

PAWOS 74

NGADEGAN PEMANGKU.

Ngadegang pamangku patut nganutin dudonan piceket / uger-uger ring sor puniki :

- Ha. Ngwilang saking keturunan pemangku .
Na. Nunas pamuus ring widhi /Nyanyan .
Ca. kapilih saking I krama Desa pakraman.

PAWOS 75.

Sane tan dados keadegang pemangku :

- Ha. Ceda angga.
Na. sakit ila.
Ca. sang madrue kesucian idup tan becik
Ra. Jadma sane kabaos nastika
Ka. Pemangku kawusan saking nginutin pararem.

PAWOS 76.

Sinalih tunggil pemangku ring kahyangan tiga katiben kapiambeng , pangacine kamargiang antuk mangku sane tan kapiambeng makadi:

- Ha. Panyade.
Na. pemangku sane kemanggehang sumaih ring pemangku kahyangan tiga.
Ca. Pemangku-pemangku sane siosan.

PAWOS 77.

- (1). I pemangku ten keneng cuntakaning wong lian,taler tan wenang ajenukan sawa.
- (2). Yening marep cuntakania,12 (roras) rahina ring puput cuntaka, taler I pemangku maprayascita.
- (3). Muang yen wenten pernah pariwiania seda wenang I pemangku cuntaka , taler I pemangku maprayascita.

- (4). Yening during tutug sengkere kadi ring arep, di peradene pemangku inucup mamurug, patut ngaturang banten ka pura wenang makarya panyapuhan ring pura inucap.

PAWOS 78.

- (1). Yening wenten sinalih tunggil I pemangku kahyangan tiga sane padem lanang/istri , prabean upakara pengabenannyane kasungkemin antuk krama desa pakraman sewangkul, mewates upakara pengabenan meprnawa/madia , yening lianening ring pemangku kahyangan tiga sane dados pengadegan ring kahyangan tiga prebean kesungkeman antuk kesidan-sidan manut pararem I prajuru Desa pakraman .
- (2). Naler pemangku kahyangan tiga ketiban baya sungkam gumanti mondok ring rumah sakit , langkungan 3 (tigang) rahina patut kejenukan ring desa pakraman saka sidaan indik puniki taler kewentenan ring prajuru desa pakraman saka sidaan indik puniki taler kewentenan ring prajuru desa pakraman . taler klurga inucap mesadok ring I prajuru .

PALET 3. INDIK PITRA YADYA.

PAWOS 79.

Setra amongan krama desa pakraman rnon kawastann setra desa renon. I krama desa pakraman renon madruwe kewajiban swadarma ngewangunan tur kuasa ngatur mecikang mamira miwah nabdabin, sekancan punika.

Pamendeman atiwa-tiwa muang penggabenan ring setra inucup manut pararem desa pakraman .

Mendem sawa ring setra desa pakraman renon , manut pararem nenten kadadosang yen temoning :

- (1) . patirta/piodalan ring kahyangan tiga desa pakraman rnon.
- (2) . rerahinan jagat minakadi

Ha. Buda kliwon.

Na. tumpek ,anggar kasih

Ca. buda cemeng.

Ra. Buda manis prangbakat

Ka. Buda manis medangsia

Da. Kajeng kliwon.

Ta. Purnama , tilem , perwani.

Sa. Kala gotongan , semut sedulur.

Wa. Pasah

(3) Pengesangan :

Ha.Melasti.

Na. Penyejeran Ida Betara.

Ca. ngerupuk .

Ra. Nyepi sipeng ,

(4) Prade wenten krama desa sane padem naming kewentenan karya ring desa pakraman renon, manut kekran desa, paut kependem , sajeroning ida betara ngadeg, kesuluban , nenten nyuarayang kukul, pemargian pemendemen mangda sampun surup , kades lemah.

(5) Yening wenten rare padem during meketus , patut kependem premangkj tan ngetangan pedewsan,larangan desa.

(6) Kala wenten nemoning petoyan ring kahyangan tiga 3 (tigang) rahina sedurung ...Desa Pakraman renon yan tan kedadosang / kalugra ngaben.

PAWOS 80.

- (1). Sang pacing ngangge tunon/setra , patut nunas bebebaskan ring bendesa desa pakraman, Saha tatane ngangge manut kadi dresta miwah pituduh prajuru inucap, nenten pisan kelugra mendem utawi nunjel swa/ pengawak-awak sawa ring karang paumahan.
- (2). Krama desane sami patut nitenin , mangda sehananning letuh sterane tan wenten ngelah / kebakta ke desa pakrama , bilih-bilih ke kahyangan -kahyangan .
- (3). Prade wenten jadma istri lampus ngadut manik (belingan), tan wenang kapendem kageseng sedrung bobotane embas.
- (4). Prade lampus sangkaning ulah pati, salah pati, kepengawan, senggpt benteng,nuwek sarira lan sekancan punika , kengin kebakta budal , risampure kemanggala antuk upakara banten pengulapan lan penebusan ring genahnya lampus.
- (5). Tan kelugra nunjel utawi nanem sawan wong tan megama hindu ring setra Desa Pakraman Renon.

PAWOS 81.

Jadma tamiu /penumbang , jadma sane usan (sane kausan makrama banjar), miwah jadma siosan sane maagama hindu sakuub ring desa pakraman renon , punika kadadosang ngaben ring setra . yening sampun naur panukon sema/setra agung alit m,anut pararem.sajawaning naur panukon setra inucap patut ngwentenang aci palebon ring setra kahyangan dsa pakraman manut tata cara Agama hindu.

PAWOS 82.

Sapa sira ugi jagi mamendem sawa/ngaben nenten kadadosang nginepang bangbang utawi malungan , sang mamurug kasisipan tur kapatutang ngwentenang aci ring setra manut sima.

PAWOS 83.

Sapa sira ugi jati mamendem sawa ngaben patut ngarsayang panugran prajuru banjar /bendesa desa pakraman

PAWOS 84.

- (1). Sajeroning bebanjaran yen jagi mendem sawa lintangan ring rahinan miwah setra tunggal , sane tempekan ring setra patut mamargi dumunan.
- (2). Asapunika taler pamargian palakonon /pangabenan.

ATIWA-TIWA / PANGGABENAN.

PAWOS 85.

Sapa sira ugi jagio ngwentenang karya ngaben patut masadok ring I prajuru Banjar / Desa pakraman .

PAWOS 86.

- (1). Saluiring jdma padem , sajeroning 7(pitung) rahina kengin kaabenang mauoakara agung wiadin alit sajawaning sios ring pararem krama banjar / desa pakraman .
- (2). Nanging yening wenten sane padem tan bener, sakit ila , ngulah pati, salah pati, bayu pati, wak manusia (keamuk) , patut maweweh upakara panebusan.
- (3). Upakara penebusan punika kemargiang ring pemargib pemendeman , utawi pengabenan, sane kelaksanayang ring dane pemangku kahyangan desa pakraman renon.

PAWOS 87.

Sapa sira ugi tan kengin malebu/mendem sawa yen nemonim rahina mlaspas palingggih ring Kahyangan tiga , desa pakraman Renon.

PAWOS 88.

Bacakan yusan jdma sane patut wiadin tan patut kaupakara luihipun :

Ha. Rare sadurung ring pakarangan miwah pamedal sane mula dados pamargian sang madrue sawa,yadiastu madrue pamadal siosan.

NGENTASANG SAWA

PAWOS 89.

Ngentasang sawa kapatutang ring pakarangan miwah pamedal sane mula dados pamargian sang madrue sawa, yadisdtu madrue pamadal siosan.

PAWOS 90.

- (1). Ngentaang sawa ring tegal miwah sawah anak lian , kapututang manut pituduh prajuru banjar/desa pakraman wiadin prajuru subak.
- (2). Tanah sane kamargiang patut kaprayascitain antuk sng madrue sawa tur kamargiang ring tanah sane kaucap pinih riin , tanah – tanah sane kentep ungkuran patut kasiratin kemanten antuk tirta pamarascita.

PAWOS 91

Padem ring pakarangan miwah ring genah anak lianan, genahe punika patut kapracita antuk sag madruwe sawa.

PAWOS 92

Yening wenten sawa sane tan wenten anak ngelingin /nruenang, patut I krama sane ngacundukan sawane punika , masadok ring I prajuru banjar /Desa pakraman , sane kalanturang ka ragan sang ngamel wewang.Dipradene yen sampun mabukti sawane tan janten anak nruenang , antuk tibakang ring sang ngambel wewng desane,patut meprayascita durmangala ,antuk prabea sane alit,gumanti tan ngletehin Desa.



PALET 4.
INDIK MANUSIA YADNYA.

PAWOS 93.

- (1). Manusia yadnya inggih punika upacara-upacara dharmaning kauripan manusia, ngawit saking patemoning kama bang lank ama petak sejeroning garba ngantos ,kelayu Sekaran riwekas.
- (2). Upacara kadi ring ajeng medudonan sekadi ring sor:
 - Ha.megedong -gedongan duk sasampune gerbane meyusa 6 (enem) sasih.
 - Na. duk sang rare medal
 - Ca. kepus udel.
 - Ra. Roras rahina
 - Ka. Tutug kambuhan (42Rahina)
 - Da. Tigang sasihin (3 bulan)
 - Ta. Paweton /oton/ odalan (6bulan)
 - Sa. Tutug kelih 9ngeraja sewali sane wadon,ngembakin sane lanang)
 - Wa. Metatah / mepandes
 - La . mawiwaha
 - Ma. Mawinten

SESEBELAN .

PAWOS 94.

- (1). Pangambilan sesebelan ring banjar /desa yen sawane kapendem /ngaben janten 3 (tigang) Rahina ring Banjar /Desa Pakraman katuran upakara pemrascita.
- (2). Yening pengabenan masa ngambil sebel ngawit 12 (roras) rahina ,ngawit rahina sesampun pangutangan sawane.
- (3). Sane kasebelan ngarep ,kengin kamanggehang catur cuntaka.

PAWOS 95.

Sang sane kajanterang sebel kadi inucap ring pawos ring ajeng,rikala namonin wenten upakara ring kahyangan tiga,ipun kaluputan saking ayahan.sesampune puput sengker sebel, paturunan patut medalin tan luput dedosan.

PAWOS 96.

Cacakan sesebelan ring ajeng manut bacakan awig-awig.

1. Sebelum kepademan -12(roras) rahina.
2. Sebel tan pebeya – kawonan.
3. Sebel pianak bebinjat
4. Sebel raga/kotor kain -3 (telung) rahina .
5. Sebel sakit ila.
6. Sebel keruron-42 9petangdasa dua) rahina.
7. Sebel memitra ngalang
8. Sebel salah timpal
9. Sebel genana-genan
10. Drati krama (salah timpal)

PAWOS 97

Ring sapa sira ugi sane ketiban kesebelan , kedadosan mepuangkid rikala wenten pekarya
Desa / Banjar mekadi ring sor puniki:

1. Prade wenten karya ring desa pakraman
2. Prade wenten karya ring banjar
3. Ngewentenan peparuman ring pura/Desa pakraman .
4. Karya panca yadnya.

Patut kaluputin ring ayahan/mempuangkid,sesampune mesadok ring I Prajuru

PALET 5.

INDIK BHUTA YADNYA.

(KESUCIAN – DESA)

RENE RAHARJA

PAWOS 98.

- (1). Prajuru nuntun I krama ngelaksanayang Upakara pecaruan ring soang-soang Pumahan nemoning tilem sasih kelima , muwah yan wenten pamuwus,kajeng kliwom wudan (wuku pujut).
- (2). Taler upakara caru tawur kesangsa mangda kelaksanayang ring desa, banjar , miwah ring soang-soang pumahan nemoning tilem kesanga.
- (3). Upakara pecaruan inucaping ajeng kelaksanayang agung alit anutin ring Kawentenane

PAWOS 99.

- (1). Prajuru nuntun tur nabdabang magda desane presida trepi tur sipeng ring nyepi , tur brataning sesapan magda kerajegan.
- (2). Brataning sesapan inucaping ajeng luwire:
 - Ha. Amati geni.
 - Na. Amati karya
 - Ca. Amati lelangon
 - Ra. Amati lelungan.

PAWOS 100.

- (1). Sejabaning wenten pari indik seosan (saksi,madruwe oka alit lan sekancan punika),sehanan warga desa patut seturut ninutin brataning sesapan inucap ring ajeng.
- (2). Ritatkala desa nyepi ,wenang sareng sami amati geni , saking semeng rawuhne benjangan . yan wenten sane memurug wenang kendanda ring desane Agengnyane manut pemutus perareman desane.
- (3). Rikala desa nyepi, yen wenten sinalih tunggil krama metepetan sakit berat ,madruwe watangan kari jumah,miwh madruwe rare during aweton ,tan patut kekenin danda pemurug pematani geni punika ,reh manut terap kadi saban.
- (4). Rikala dsa nyepi ,tan keluarga ngemargiang gedebeg,anunggang dokar ,sepeda, sepeda motor,motor ,miwah kuda,yan wenten sane murug ,wenang kedenda manut pemutus pararem desane.
- (5). Rikala desane ntepi , tan wenang amikul wiadin anyuwunsaka luwire. Yan wenten murug wenang kedenda agung alit manut pemutus pararem desane.
- (6). Rikala desane nyepi ,tan wenang ngawentennag palian(judian) . Yan wenten sane mamurug patut kedenda agung alit manut pemutus pararem desane.
- (7). Rikala desane nyepi tan wenang angadak – aken sabda ghora minakadinnya me-embed-embedan. Yan wenten amurug wenang kedenda agung alitnyane manut pemutus pararem desane.
- (8). Rikala desane nyepi tan wenang memunyah tur ngamedalang sabda purusa sang mekrama petukar , yang wenten amurug wenang kedenda aung alinyane manut pemutus pararem desane.
- (9). Rikala desane nyepi tan wenang anabuh kulkul ,wiadin gambelan . yan wenten amurug wenang kedenda agung alitmanut pemutus pararem desane.nanging yang prade wenen

kageni baya (kepuwunan) ,wiadin wenten amuk rikalaning penyepian , wenang anabuh kulkul ,tan wenten pamidandane.

- (10). Rikala desane nyepi tan wenang anambut karya saluwire , ring sawah wiadin tegal , yan wenten amurug wenang ya kedanda Agung Alit manut pemutus perarem.
- (11). Rikala desanne nyepi tan wenang ngangon , wiadin ngelumbar kebo, sampai ,kambing, itik miwah sane seosan sekancan punika ,ring sawah wiadin trgal; ring margi ,wiadin ring setra. Yan wenten murug wenang kedanda Agung Alit manut pemutus peraren desane.
- (12). Rikala desane Nyepi,yan wenten sinalih tunggil krama mebulan pitung dinanin rare, myumunin tedun ketanah , ngodalin ring parhyangan, pemerajan ,sanggah ,paibon, panti, wenang ageni-ageni, tan wenang keni pamidanda.
- (13). Prajuru Desa,miwah Pecalang / Hansip lan sekacan punika, sane ngemargiang tugas mangdane siddha trepi memargi penyepian, kedadosan ngangge/ ngelinggihin luwire: Kuda,sepeda,motor, sepeda muang motor, tan wenang keni danda, seosan ring punika, yan wenten sane mamurug, wenang keni pamidanda pemurug “PENYEPIAN”
- (14). Riwus rahina Nyepi kewastanin Ngembak Geni, mapiteges Ngelukar Yoga semadi kedulurn antuk ngawentenang pengaksama soang-soang Krama Banjar /Desa Pakraman renon, maka cihna pengawit Icaka Warsa.

PAWOS 101
LANGLANG – DESA

- 1) Sane wenang nyatur periksa miwah nangkep , yan wenten sane mamurug tata cara Desa rikalaning Desane Nyepi, wenang I langlang Desa sinali tunggil.
- 2) Kweh langlang desa punika sane kemadalang soang – soang banjar :
 - Ha. Banjar suka duka pakraman pande : 10 (dasa) diri
 - Na. banjar suka duka pakraman peken : 10 (dasa) diri
 - Ca. banjar suka duka pakraman tengah : 10 (dasa) diri
 - Ra. Banjar suka duka pakraman kelod : 10 (dasa) diri
 - Ka. Banjar penyungsong pakraman kaja : 10 (dasa) diri
- 3) Pengageng Langlang Desa kwehnyane wenten 50 (seket) diri , inggih punika para kelihan – kelihan , wiadin Prajuru Desa sane katuju antuk para Kelihan – Kelihan .
- 4) Langlang Desa miwah pengagengnya ,rikala Penyepian Desane wenang ya Abusana , Awastra,Asabuk, Akampuh Poleng,Asabuk jabaning Kampuh,Adestar Selem,anungklit Keris,tur Sekar Wari Bang (Pucuk Barak) ring Karna kiwa (Kuping Kebot).

PAWOS 102.

- 1) I prajuru tan marem nuntun I krama mangda kesucian desane siddha Ajeg.
- 2) Sane patut katitenin sehanan pemargine nyapa krama sane sinanggeh duskratha miwah ngaletihin desa upami:
 - Ha . Salah Timpal (Jadma Masanggama Ring Wewalungan).
 - Na. Gamita Gemana sane Ketelanjur.
 - Ca. Pangunan – pangunan ring Sabda .
 - Ra. Miwah sehanan sane sinanggeh ngeletehin manut lingling Agama
- 3) Sang kachina melaksana kadi ring ajeng ,patut kasisipang memarisudha desa sepatutnya

PANCAMA SARGAH SUKERTA TATA PAWONGAN .

PALET 1 INDIK PAWIWAHAN

PAWOS 103.

1. Pawiwahan inggih punika , patemoning purusa lan predana , malarapan antuk penunggalan kayun suka cita, keduluran upasaksi sekala niskala
2. Pemargin pewiwahan luire:
 - Ha. Pemadikan kemanggalaning antuk pekurenan
 - Na. Ngerorod / merangkat riyih wawu kekrunayang
 - Ca. Nyeburin utawi nyentana ,nyeburin risampun ke manggala antukl upacara pemerasan.
3. Pidabdab sang pacang mewiwaha patut:
 - Ha. Sampun manggeh deha / teruna
 - Na. Sangkaning pada lila (tan paksa)
 - Ca. Kemargiang sudi Wadani,pradene pengambile siosan Agama.
4. Pewiwahan sane sinanggal pastika pemargian pewiwahan mangda nginutin Undang – Undang Perkawinan , saking sang wenang (UU Perkawinan no.1 tahun 1974 lan PP no. 9 tahun 1975).

Sapa sira ugi (jadmua muani) sane sampun mapikuren , nenten kadadosang malih ngambil rabi, yen tan wenten kabebasan (surat pernyataan sane syah) saking kurenanipun , sane kasaksinin antuk 1 Prajuru Banjar / Desa pakraman.

PAWOS 104

- (1). Pawiwahan sne kepatutang ring Desa Pakraman Renon , kadi ring sor puniki :
Ha. Sampun kemargiang pekala-kalaan utawi pesakapan kesaksiang antuk tri Upasaksi , inggih punikia ,manusa saksi ,bhuta saksi,dewa saksi.
Na. I Prajuru patut mapekelingang utawi ngilikitayang pemiwahan.
- (2). Pemargian pemiwahan sane tan manut kadi ring ajeng sinanggeh tan pastika.

TATA KRAMANING PERABIAN.

PAWOS 105.

- (1). Sapa sira ugi pacing ngewarangan pekluwargan , patut mesadok ring I prajuru selanturnenyane maritetesang , manut tan manut indik perabian .
- (2). Pemargin pepadikan ,manut dudonan:
Ha. Kapertama mapesadok /ngencub.
Na. Kaping kalih , matemu arsa pesuakan meserana antuk pejati bebawosan , saha larapan Sajeng lan Lanjaran , Gula , Wedang , Canang Base.
- (3). Kaping tiga upacara mamitang ayah grehasta , predana meserana antuk tipat bantal, saha ajengan nasi pengentuh , nasi rangan , ulam karangan .
- (4). Pemargin ngerorod/menrangkat patut:
Ha. Reraman lanange ngawentenan Pengelukan, meserana antuk lampu senter lan surat keterangan antuk dua saksi paling kedek kalih diri.
Na. Genah antene tan kengin ring pakubon sang lanang sedereng kaupara Pabeya kalan.
Ca. Reraman Grehastin purua , ngawentenan pesuakan sane kesaksinin olih I prajuru banjar , mawosan pari indiki kewentenan antenan lan upacara pemiwahan .
Ra. Risampun wus puput , kaupakara Pebeya kawonan,saha upakara Pemiwahan ,manut pedewasan wawu,kepatutan ngunya nunas mamitan ayah,meserana antuk Tipat Bantal, yening kemargiang ngawit Pekerab kambe jantos 3 (titang) rahina tan ngetang peduwasan.
- (5). Ring sapa sira ugi nenten kadadosang marabin (alaki Rabi):

Ha. Ring semeton sodet kalih kualon.

Na. Ring meme/bapa rupaka, kualon rerama dinyama luh /muaniu miwah sane lian -
lianan garis kenceng mungganghang.

Ca. Ring pianak-pianak kualon miwah sane lian – lianan garis kenceng nedunang.

Ra. Asumundung anglangkahi karang hulu nenten kamrgiang malih , sakewanten tan
manut ring keputusan Maha Saba pandita tahun 1964 ring Campuan Ubud , ngirangin
pikayun sang sane katiban painedikan punika ngwentenang upacara patiwangi.

PAWOS 106

INDIKI PEWIWAHAN NYEBURIN (RAJEG SENTANA)

- (1). Sinalih Tunggal Krama yen pacang Ngidih Sentana , patut mesadok ring I Prajuru Banjar
utawi desa pakraman senistanipunj assih (pesasur rahina) sedurung dwasa pemerasan.
- (2). I Prajuru inucap patut nyiaran ring banjar saha ngelanturan ring I Prajuru Desa Pakraman
- (3). Sang sane meraa keberatan ring pemerasa punika , sekirang ipun anku sedurung dewasa,
ptut nunnas bawos ring Prajuru Banjar/ Desa Pakraman . I Prajuru ngicenana pemutus
bawos tepekin ring sastra , lan daging awig-awig , miwah dresta seosan.

PAWOS 107.

Sapa sira ugi tan kedadosang alaki rabi.

Ha. Ring semeton sudet kalih kwalon

Na. Ring Meme Bapa Rupaka , kwalon rerama dinyama luh/muani miwah sane lain-
lianan garis kenceng ngungganghang.

Ca. Ring Pianak kwalon, miwah sane lian-lianan garis kenceng nedunan.

PAWOS 108

- 1). Krama sane nampi wong ngrorod patut pramangkin masadok ring I Prajuru Kelihan Banjar / Desa
- 2). Kelihan patut digelis nureksa, tur netes sang ngrorod maka buatang matitiaksa yen manut utawi singsal pamargine ring dresta.
- 3). Bilih pamargine yen sampun nepak ring drestane sang ngrorod miwah sane nampi polih pamikukuh pasayuban banjar minakadi kelihan kelihan /I prajuru – prajuru .
- 4). Prade pamargine tan manut ring undang undang ring ajeng I kelihan patut digelis malasang sang keni kaletelang mangda kaaturang ring sang mawewenang.

PAWOS 109

- (1). Sang maseserap sane pacang netes pangrorodan, patut masadok tur nunas penuntun ring I kelihan banjar sane ketuju I kelihanm patut mriksa natasang seserep punika, jati tan jatine patut pernah wirang sang ngrorod/ merangkat.
- (2). Yening linggihnyane jati-jati pernah wirang I kelihan patut digelis ngater seserep punika ka umah genah sang ngrorod.
- (3). Sang maseserep patut tinut ring seperuduh I prajuru banjre luire:
Ha. Ngranjing ka sang ngrorod inucap tan dados langkung ring 2 (kalih) diri
Na. Tan kengin makta sanjata / gegaman ,sakaluire.
Ca. Tan kengin matingkah kalih mabaos wak parusia/nantang.
- (4). Sesampune sami napak ,I kelihan patut midabbdabin magda tata cara penetesan punika trepi , maka buatang mangda anake istri sane ngrangkat jati-jati nrangang idepnyane sebebasiipun lui pidabdabe:
Ha. Anak istri kagenang ngraga , tan dados anak sios nampekin pared wates genahipun, sawatara 3 (tigang) depa tur tinas ring irange.
Na. Kelihan nenten nuturang , mangda sang maseserep polih mataken ring sang istri punika
Ca. Kelihan nyamakutayang pamekas ring sang istri , mungguing pacang ngicenin pasayuban manut daging idep sang istri , yan tan arsa pangrorodan sang maseserep pacang katulak ,yen saking pepaksan , sang istri kawliang ring sang wirang ,sang lanang kaaturang ring sang wewenang tur katundung.

(5). Prade anak istri wedan desa pakraman renon, ngerorod uawi merangkat ke dura desa,wiadin ke dura kecamatan lan kabupaten , sang sane ngambil mangda ngelaksanyng pemargi luire:

Ha. Sang mepejati pengelukuan , mnut dresta,mangda kemargiang sesampune engseb surya,

Na. Saha makta sundar baya, lampu senter maka china ,lan surat keterangan pengangen tresna kapi tresna.

Ca. Pinih riyin wenten atur kalih pesadok ring kelian / prajuru banjar (kepala Lingkungan) selanturnyane raris nuntun surya rawuh.

Ra. Sang mepejati / ngeluku patut tinut kadi pawos ring ajeng.

PAWOS 110.

Ha. Indik asumundung , ngelangkahing karang ulu , nenten kemargiang malih manut ring daging keputuisan maha sada pandita tahun 1964 ring campuan ubud , sakewenten tan ngirangin pikayun sang sane katiben pariindike punika , ngewentanan upacara pati wangi

Na. Naler indik pemargian penyisip manak salah ring sekuwub desa pakraman renon nenten kemargiang malih manut dresta kalih upacarane kesukserahang ring tri manggalaning yadnya.

PAWOS 111.

Ring sakuub desa pakraman renon, pamargian indik panyisip manak salah, nenten kawentenan malih , manuit dresta sinalih upacarannyane kasukserahang ring wiwekan ring tri manggalaning yadnya.

RENE RAHARJA

PALET 2

INDIK NYAPIHAN .

BEBALUAN.

PAWOS 112.

(1).Sang balu, kebinayang wawilangan ipun dados ,kadi ring sor puniki :

Ha. Balu luh wit sentana (sentana rajeg) miwah balu luh boya sentana.

Na. Balu muani ke purusa (wit sentana) ke purusa miwah balu muani ceburin (boya sentana)

(2). Swadarmaning balu inucap patut:

Ha. Ngemanggehang pati betara , tan patut ngemargiang para daea (drati krama).

Na. ngusahayang waris guna kaya , tan dados ngadol , ngadeang, makidihing ,lan seosan punika , sejawaning kebebasan sakeng pianak , utawi klurga sinanggehe ke purusa.

Ca. Kengin ngidih sentana , prade wenten kecumponin antuk klurga sinanggehe ke purusa.

Ra. Kewenangan mawiwaha malih prade wenten kebebasan saking warga ke purusa.

(3). Balu keucap tan pageh ring sor puniki:

Ha. Drati krama utawi para dara

Na. matilar saking pakubon jantos 6 (enem)

Ca. lempas ring swadarma , seos – seosan tan prasida ngesehin solah mapreenti marep ring pituduh kluarga purusa.

PAWOS 113.

(1). Indik palas merabian, pewiwahan presida kewusan, antuk medasar kepademan.

(2). Wusan mepekurenan, riantukam salah sinunggil lina, mapiteges balu, mikadi balu lanang, Balu Istri.

(3). Palas mekurenan, merabian, inggih punika sangkaning mewiwit wicara.

(4). Sang ayat palas merabian, patut atur upiksa pilikitan ,riyin ring sangf rumawos (pengadilan negeri) wastu tinas apadang pemutus kebawos nyapihan , wawu I prajuru banjar utawi prajuru desa pakraman nyiarang kewentenannyane ring desa , saha keni pemelin kulkul, manut pararem utawi manut dresta

PAWOS 114.

(1). Tata cara palas merabian kadi ring sor puniki:

Ha. Nawur prebeya saksi sinalih tunggil sami atenga.

Na. penguna kayan polih pahan atenga

Ca. pekebel , tetadan , soang-soang kekuasang niri-niri , sakewenten indik warisan kekuasayang antuk purusa.

Ra. Ngawuruhin , miwah pangupa jiwaan preti sentana ,manut swadarmaning guru rupaka .

Ka. Mamur pamidanda penumbas kulkul manut pararem utawi dresta.

Da. Mepamit saking pemerajan sang lanang.

PAWOS 115.

Indik palas / nyapihan marabian nganutin pawos ring ajeng punika:

- (1). Patut masadok ring I krama banjar / desa pakraman tur sang makrama palas punikaa kasisipang kalih kadanda manut pararemen.
- (2). Yening atep mapekurenan malih, takler masadok ring I prajuru banjar / desa pakraman tur nganutin pawos ring ajeng.

PAWOS 116.

- (1). Karang waris (arta berana) paderben kurenanipun sane wit waris, kakuasang antuk I baluan, nanging tan dados kaadol, kagadeang, kapakidhang, miwah kasingkuhang, yen tan polih kebebasan saking I pianak, wiadin pakadangan ka kurenannyane sane pinih tampek saking kurenanipun.
- (2). Yen tan madue pianak kabebasan punika karahuhan saking pakadangan kurenanipun sane pinih tampik
- (3). Arta brana sane wit saking gunakaya, kakuasayang antuk I baluan.

PAWOS 117.

Bebaluan sane mamitra, mamitra ngalang dados katundung olih I pianak, yen tan madue pianak, wiadin ipun kantun alit, dados katundung antuk pakadangan ipun sane pinih tampek .sang kalih sane kadapetan, nglaksanayang ulah sane tan patut kakeniang / kakenanin danda tur kabaosin ring I prajuru desa pakraman. yening prade tan sida kapabian patut kakenan pamidanda, agung alit manut parareman antuk banjar / desa pakraman, sane katulakang ring sane madrue kapatutan.

Yening prade tan seda, patut sang mamitra kelaporan ring sang wewanang (polisi) selambanipun

PAWOS 118

- (1). Bebaluan luh miwah muani, sane katundang wiadin sane saking manhipun, ninggal kurenanipun pecak, dados nguasayang atenga (1/2) saking pupulan, gunakayanipun sang kurenanipun pecak.
- (2). Yening bebaluan punika pecak makta tetatadan, tetatadan punika kengin kakuasayang antuk I baluan.

PALET 3. INDIK SENTANA.

PAWOS 119

- (1). Sinalih tunggil krama yen pacang ngidih sentana, patut masadok ring I prajuru banjar /desa pakraman sanistanipun asasih (35/pasasur rahina) sadurung dewasa pamerasan.
- (2). I prajuru inucap patut nyiarang ring banjar saha ngaturang ring prajuru desa pakraman .
- (3). Sang sane marasa kabهران ring pamerasan punika, sakirangipun awuku sadurun dewasa, patut nunas baos ring I prajuru banjar / Desa pakraman, I prajuru ngicenin pamutus baos tepekin ring sastra, daging awig-awig miwah dresta siosan.

PAWOS 120

- (1). Sane dados kaarsang anggen sentana, jadmа sane durung merabian , kaping ajeng pangambile manut dudonan saking semeton purusa, ye tan wenten wau dados ngambil saking semston turunan wadu, asapunika salanturipun, ngantos rauh katunggalan sembah, sanggah gede, padadianan, yening irika taler tan polih wau dados sekama – kama, sajeroning warga sane nganutin Agama Hindu
- (2). Ngidih sentana tan dados lintangan ring adiri yening sampun wenten klabebasan saking pakadanganipun sane pinih nampek.

PAWOS 121

Patika madeg sentana, yening sampun maperas tur kasaksinin antuk I prajuru banjar / desa pakraman, I sentana patut madrue ilikita patra saha kalingga tanganin olih I prajuru banjar/desa pakraman tur kamanggehang ilikitanipun ring sang wenang.

PAWOS 122.

- (1). Yening wenten jasma sentana luh sampun marabian , sakantunipun marabian tan dados malih ngrereh anak lanang siosan.
- (2). Anak muani nyeburin sentana luh , tan dados ngrereh kurenan malih , yen tan polih kebebasan saking kurenan miwah matunipun
- (3). Yening sentana luh punik padem , sang nyeburin patut kaperas olih matuanipun sadurubfe malih , pianake sane saking kurennyane wau patut polih waris , saking padruean I sentana

PAWOS 123.

- (1). Jasma muani sane nyeburin sentana luh tur sampun ngwentenang pianak prade padem sentana luh miwah matuanipun tan dados ngrereh kurenan malih, yen ten polih kabebasan ring I pianak.
- (2). Yening pianakipun kantun alit, kebebasan punika kajantosan dumun gumanti pianak punika truna/daha, nanging yen sampun polih kabebasan saking pianak utawi pakadanganipun sane pinih nampek ,pianakipun sane saking pakurenansane wawu, patut polih waris, saking pederben padruenan I sentana, sajawaning wenten ilikita pasubayan sane sampun kasinanggeh pastika olih prajuru banjar /desa pakraman
- (3). Yening sane nyenurin sentana punika pacang mamurung ngrereh rabi malih, tur nenten nyantos pianak ipun daha/truna, pungkuran piankipun saking gunakayanipun sareng kurenan sane wawu, kapungeling waris saking gunakayan jasma muani yening pianak ipun muani, saking pakurenan ipun sane balu, nenten kawehin kawenangan ring umah pakarangan wiadin padruwen wit saking sentana luh.

PAWOS 124.

Jadma muani sane nyeburin sentana luh prade kurenan miwah matuanipun padem, tur tan madrue pianak, jadma muani punika kengin ngrereh kurenan malih, yening sampun polih kebebasan saking pakadangan I sentana pinih nampek, tur pianaknyane saking pakurenanipun sane balu, patut polih waris saking padruen I sentana.

PAWOS 125.

- (1). Yening wentwn anak luh, sedurung ngemargiang pekurenan , sampun ipun mobot , tur sampun madrebe pianak , sane durung mewidi widana , patut pianake punika keupakara manut emtosan I prajuru , gumanti tan kebawos pianak bebinjat.
- (2). Yan kalaning wenten sinalih tunggil ikrama medrebe pianak luh mobot / beling tan wenten anak ngangkunin patut ikrama ika mesadok ring I prajuru banjar lan desa pakraman , gumanti rarenw punika lekad , pianake punika tan dados polih pahan waris ring sang purusa. Yening raris wenten pasubaya ring matuanipun , tur kasungkemin antuk kasaksinin ring I prajuru banjar / desa pakraman patut I pianak punika kaelingin antuk pahan waris atenga ring akeh pagunakayan memen ipun.
- (3). Anak luh daha / baki , tur ipun katibenin abot ,beling , ring jumahinpun raris ipun sampun masadok ring I prajuru kelihan banjar / desa pakraman , dipradene rare punika lekad , rarene punika polih waris saking sang makardi belinge punika , tur kapatutang makurenan , sane tan nyak punika kasisipan tur kadanda manut kaputusan pararem , kelantung ring sang wewanang.
- (4). Anak muani / lanang sampun mapakurenan prade ipun madrue bobotan (belingan) sangkanin mamitra patut sang kalih punika sampun polih kabebasan ring kluarga / kurenan ipun , patut karorodan sane kasaksinin ring I prajuru kelihan Banjar / Desa Pakraman.
 - Ha. Yening wenten anak daha/ truna jantos katiben bobotan /beling ring umahipun magenah, tur tan wenten anak ngangkenin, sang mederbe pianake punika, patut kapidanda taler disampun ipun wus abit , pangaskaran gumi , marupa prayascita sapatut, manut pararem I prajuru desa pakraman .
 - Na. Malih sakantun ipun abot / beling sang katiben punika , tan kengin ngaturang sembuh ngranjing ring pura parhyangan-parhyangan desa.

PALET 4.
INDIK WARISAN

PAWOS 126.

Paduman waris pianak lanang miwah pianak istri pateh- pateh , yening sane istri dados dahan/ tua . indik kebawos ring buku penuntun pawos 55 jantos kepawos 58.

PAWOS 127.

- (1). Waris kengin keaduman, tur kakuasayang olih I pianak, sesampune reramanipun miwah leluhuripun kaabenang .
- (2). I rerama sane kantun maurip, dados nguehin I pianak arta brana, sane kawastunin jiwa dana, akuehipun manut pituduh I rerame

PAWOS 128.

I rerame muani wiadin I rerama luh sentana , kengin maligayang tetatadan ring pianak .

PAWOS 129.

- (1). Dahan tua/ truna tua tan kuasa ngangkat sentan sadurunge polih kabebasan saking nyaman – nyamanipun sane pinih tampek .
- (2). dahan tua / truna tua sane nunggalin kadadosan ngangkat sentana yening sampun polih kebebasan antuk pakdangan sane pinih tampek.

SAT SARGAH
WICARA LAN PAMIDANDA.

PALET 1

MAWICARA.

PAWOS 130.

Sane wenang mamaosin minakadi mamutusang wicara ring desane luire:

1. I kelihan banjar, pradene sang mawicara patunggilan bebanjaran.
2. I kelihan / bendesa sang mawicra sami-sami ring patunggalan Desa Pakraman .a
3. Kelihan adat desa pakraman tan sida matutang mangda keserahan ring Sang wewenang (Pengadilan Negeri)

PAWOS 131.

Prade sang mawicara tan cumpu ring tata cara kelihan banjar maosin minakadi ring daging pamutus punika , wenang nunas baos bebandingan ring I kelihan desa/ bendesa pakraman .

INDIK UTSAHA.

PAWOS 132.

1. Desa miwah banjare patut pisan nabdabin utawi ngwangun sahanan usaha-usaha desa minakadi , koperasi simpan pinjam , lembaga perkreditan desa pakraman (LPD), yayasan desa, desa pakraman .muah sakacan punika , jaga anggen ngangkepin sapari abote nyanggra wewangunan desa pakraman ring desa renon
2. Munggwing ngwangun usaha-usaha ring desa pakraman utawi ring banjar mangda kadasarin antuk paruman I prajuru desa (lembaga Adat) miwah prajuru desa pakraman (lembaga desa pakraman renon) . naler mangda saadung ring manggala praja ring desa pakraman renon sanistanipun kepala lingkungan , utawai kepala kelurahan.
3. Ring sajeroning ngamargiang , usaha-usaha desa pakraman minakadi LPD (lembaga perkraditan desa pakraman renon) , koperasi desa pakraman , yayasan desa pakraman mangda mamilih prajuru utawi pegawai, usaha punika antuk paruman desa pakraman utawi paruman prajuru desa, naler yening prasida pinih becik pisan nglaksanayang paruman desa pakraman (pasamaan lembaga adat agung) saha kalimbakang paruman banjar.
4. Risampun ngamolihan pamutus paruman prajuru desa pakraman miwah paruman pasuman agung, prajuru sami katugasan ring suang-suang usaha desa pakraman, mangda kasyahan olih jro bendesa pakraman , kasaksiang olih lembaga desa pakraman, maka kelihan-kelihan banjar, lan peraturan dearah (perda) khusus ring LPD .
5. Ring suang-suang usaha desa pakraman miwah usaha-usaha banjar, mangdene ngarya uger-uger utawi pamutus – pamutus praturan sane kasungkemin olih prajuru desa pakraman utawi prajuru banjar sane nenten lempas ring lingling awig-awig desa pakraman .
6. I prajuru utawi pegawai , petugas, usaha desa miwah usaha banjar, ritepengen ngamargiang usaha punika mangdane katiwakin utawi karestuang olih I prajuru desa pakraman , sanistanipun jro bandesa pakraman utawi kelihan desa pakraman /prajuru dinas.
7. Prajuru utawi pegawai lan petugas usaha desa pakraman sane nenten ngamargiang kadi daging pawos ring ajeng , sahananin baya , pakewuh sane kapangguhan ring usaha

inucap maka sami dados tanggungan olih patugas lan pegawai inucap manut lingling awig-awig desa pakraman . pancama sarga , palet I indik pamidanda.

PALET 2.
INDIK PAMIDANDA

PAWOS 133.

- (1). Desa miwah banjare, wenang niwakang pamindanda , ring wong desane sane sisip.
- (2). Tiniwak inucap kalaksanayang olih I kelihan desa pakraman /bendesa miwah I kelihan Banjar nunggal- nunggal manut dudonan.
- (3). Bacakan pamindanda luihipun:
Ha. Ayahan pamikukuh kasisipan
Na. Danda arta.
Ca. Panikel urunan , miwah panikel dedandan.
Ra. Upakara pangaskara
Da. Kanorayang wusan makrama ajebos.
- (4). Jinah, utawi raja brana pamidanda ngranjing dados padruen banjar utawi padruen desa pakraman manut dudonan.

PALET 3.
REEAMPAGAN.

PAWOS 134.

Saluiring dedendan [aturunan, utang sane tan buntas kataur sajeroning pawanenganipun manut pararem. Samaliha I prajuru sampun ngwentenang piteket-piteket taler tan kapikayunan patut pamargian ngamargiang rerampagan.

PAWOS 135.

Sane kengin kerampang luihipun:

1. Ingon-ingon suku pat lui banteng,kebo/misa miwah kuda.
2. Ingon-ingon suku kalih .
3. Saluiring prabot sane kaangen ngrereh pangupajiwa minakadi , prabot pawaregan, prabot ka sawah / ka tegal, prabot utawi alat-alat suci sane keanggen upacara dewa yadnya,kiwah sakancan punika luput ring rerampagan.
4. Sakuiring entik-entikan / pamula – mulaan.

5. Arta berana, minakadi karang paumahan miwah sawah lan wewangunan , manut bkebuatan saking desa pakraman .

PAWOS 136.

- (1). Sanistanipun asasih saking rahina pacang ngamargiang rerampangan patut kewentenan pamituhu ring sang jagi kaerampag olih prajuru banjar /desa pakraman .
- (2). Yening danda paturunan miwah utang-utang punika kataur buntas , ring rahinan rarempagan punika ,pamargian rarempagan kawangdeyang.
- (3). Rarampangan punika yen marupa barang – barang tan m,ajiwa kawehin nebus, sajeroning wenang manut manut pararem .

PAWOS 137.

Pamargin rerampangan kadi ring sor puniki I prajuru banjar/ desa pakraman ngrauhin umah sang jaga karampag tur ngambil paderbean sane kaserahang kaanggen muntasang utang paturunan miwah dedendan , ring banjar utawining desa.

- Ha. Yan jangkep buntas utang , paturunan dedandanipun saking barang sane kaserahang punika sakadi rerampagan, kengin malih ngrampag paderbenipun kapungkuran, jantos utangipun buntas.
- Na. Barang rerampagan punika patut kaadol samael-maelipun, sesampunipun kabiaktayang ring krama banjar / desa pakraman .
- Ca. Yening olih-olihan rerampagan punika lintangan ring gebogan utang dedenda miwahpaturunanipun , patut kabudalang ring ang keni karampag.

PAWOS 138.

- Ha. Yening sang karampag tab arsa nyerahang paderbenipun , I prajuru banjar / desa pakraman tan dados mamaksa ngambil paderbeanipun.
- Na. Sang asapunika kengin tan kaserengan makrama banjar / desa pakraman , sesampune kacumponin antuk I krama banjar / desa pakraman.
- Ca. Sang sane tan kasarengan makrama banjar / desa pakraman , kengin ngranjing malih sesampune naur panikel ping 2 (kalih) puputan hutang miwah paturunan dedendanipun pecak.

SAPTAMAS SARGAH

NGUWAH-NGUWIHAN AWIG-AWIG.

PAWOS 139

- (1). Antuk pekarsan krama desa, Awig-awig desa pakraman renon puniki kengin keuwah-uwuhin manut kewentenan desane.
- (2). Nguwah -nguwuhin awig-awig uinucap ring ajeng kelaksanayang antuk paruman desane
- (3). Sehananin pemutus bawos ring sajeroning nguwah -nguwehin awig-awig puniki keutsahayang , mangda medasar antuk suara gilik -seguluk . paras-paros sarpanaya.

PAWOS 140.

1. Paruman indik nguwah – nguwehin awig-awig puniki kemedalang olih bendesa desa pakraman renon.
2. Paruman kadi kecape ring ajeng taler patut kewentenang prade kawidhi olih kelihan banjar senistane sareng tigang diri pinaka wakil soang – soang banjar pakraman .

PAWOS 141.

Sakaluring indik wicara sane durung munggah ring awig-awig puniki jagi kabaos malih kaputusan antuk pararem banjar/ desa pakraman.

PARAREMAN MIWAH PASUARA.

PAWOS 142.

- (1). Paruman desa utawi banjare patut ngamendalang pasuara-pasuara pararem anggen mitegepin daging awig-awig nunggal manut dudonan.
- (2). Daging sahananin pararem patut saeloan ring awig-awig
- (3). Sane patut kaunggulan ring pararem minakadinipun :

Ha. Dewasa ngawitin pemargi pokok daging awig-awig sane mabuat

Na. Rerincian panyacah daging awig-awig sane mabuat.

Ca. Agung alit panikel-panikel , dedendan – dedendan miwah sane siosan – siosan.

Ra. Tata sulur pamargin awig-awig puniki

Ka. Sahananim indik siosan anggen mitegepin awig- awig

PAWOS 143.

- (1). Paruman prajuru wenang ngamedalang pasuara-pasuara mategepin daging awig-awig desa pakraman puniki.
- (2). Daging pasuara – pasuara tan mari patut :
Ha. Mangdaning anut ring daging awig-awig .
Na. Mangdaning manut ring adatr miwah agama sastra purwaloka miwah desa dresta.
Ca. Mangdaning pastika nyanterang dewasa mangawit pamargine.

PAWOS 144.

- (1). Bendesa desa pakraman , kalangning ngamargiang sadaging awig -awig miwh usaha desa patut tan marem
Ha. Saeloan utawi mawirasa sahanan prayoga sane ring lembaga adat, taler ngawinang wong desane umpami lurah miwah pakasehg , lan manggala praja.
Na. Ngwentenang manglokika desa mangda wong desane polih ngupadi pangupa jiwa, nincapang pangaweruh miwah usaha niri-niri lan pengayoman.
- (2). Awig-awig puniki kalingga tanganin antuk bendesa desa pakraman renon, kasarengan antuk para kelihan – kelihan desa pakraman miwahg pantus, sakuub desa pakraman renon saha kesahan oleh manggala praja (walikota Denpasar)

ASTAMAS SARGAH

PEMUPUT.

PAWOS 145.

- (1). Awig-awing puniki kewastanin awig-awig adat desa pakraman renon.
- (2). Awig-Awig puniki kemargiang ngawit perareman .
- (3). Awig-awig adat desa pakraman renon sane lami manut pemutus perareman desane tan malih kemargiang tur raris kesimpen

PAWOS 146.

- (1). Bendesa adat desa pakraman renon , kala ngemargiang sedaging awig-awig miwah usaha desa , patut tan maren:

- Ha. Seeloan miwah , mawirasa ring sehanan prayoga sane taler ngawiwenang warga desane, upami lurah miwah prajuru-prajuru sane lian-lianan.
- Na. Ngawenten galah pengala desa mangda warga desane polih ngupadi pengupa jiwa , nincapang pengeweruh miwah usahan niri- niri seosan .
- (2). Saka luwiring sane durung kebawos ring sargah awig-awig puniki patut kemargiang manut cara sane sampun ketah memargi kedulurin antuk perarem – pararem .

PAWOS 147.

- (1). Awig-awig puniki keraremin duk rahina coma umanis wuku sungsang , sasih kasa icaka 1929, tanggal masehi 18 juni 2007 magenah ring pure bale agung desa pakraman renon.
- (2). Awig-awig puniki kalinga tangani olih prajuru-prajuru kan kelihan -kelihan banjar desa pakraman renon
- (3). Luwir sang ngelingga tanganin:



(I Made Purnata)

(I Nyoman Oly Muliartha)

Baga Palemahan

Baga Utsaha

(I Nyoman Wedha, ST)

(Drs. I Wayan Nuka Srida)

Kelihan – Kelihan Adat Desa Pakraman Renon:

1. Kelihan Banjar Pande

2. Kelihan Banjar Peken

(I Ketut Arsana, S.Sos)

(I Made Konten, S.Sos)

3. Kelihan Banjar Tengah

4. Kelihan Banjar Kelod

(I Made Witra Antara)

(I Made Soma)

Kelihan banjar kaja:

(Dewa Bagus Wibawa Utama, SH)

RENE RAHARJA

Kepala kelurahan Renon :

(I ketut Gandhi C, SH).


Camat Denpasar Selatan :

(Ida Bgs. Alit Wiradana ,S.Sos. Msi).

Wali Kota Denpasar

(Puspayoga).

Om Santih , Santih , Santih , Om



PRAWARTAKA .

PANYUSUN AWIG-AWIG DESA PAKRAMAN RENON.

- 1 Penanggung Jawab : 1. I Made Sutama , BE (bendesa desa pakraman renon)
2. I Ketut Gandhi , SH (Lurah Renon)
- 2 Penasehat : 1. I Ketut kontra
2. I Wayan Wari
- 3 Pemucuk : 1. I Made Saditha.
2. I Made Nada
- 4 Penyarikan : 1. I Wayan kantor.
2. I Wayan Duduk
- 5 Petengen : Drs. I Nyoman Dama
- 6 Anggota :
 1. I Made Wega
 2. I Wayan Udiyana, SH
 3. Drs. I Made Madiya, M.Hum
 4. I Wayan Oly Muliarta
 5. I Wayan Wedha, ST
 6. I Made Purnatha
 7. Drs. I Wayan Nuka Sriada
 8. Drs. I Wayan Rameka.
 9. Drs. I Wayan Suweta
 10. I Made Darna
 11. I Ketut Arsana ,S.Sos.
 12. I Made Konten , S.Sos.
 13. I Made Dwita, Sh.
 14. I Made Witra Antara
 15. I Made Soma
 16. I Ketut Wardana
 17. I Made Tandu
 18. I Made Linggih
 19. I Wayan Sugiri

- 20. I Wayan Sudadiasa
- 21. I Wayan Supartha
- 22. I Made Nuka
- 23. I Ketut Santra
- 24. I Ketut Suwena.

